

HIBRU

Hibru yokwowa ya yokwo pr̄ieiya Hibrumi iikamim ȳip̄iki naingwo t̄ibm̄iiȳim Jis̄is siiram ya sima w̄inki aeya. Hibru iikamim ȳim Juda iikamim simiir in̄ig wh̄ir ieya. M̄i kr̄ima n̄inokn̄ink̄in tani, ta yokwo aair̄in nh̄inga piyamisi w̄inkiya. M̄i inkam̄in w̄inkiȳin siya h̄in̄ina k̄iḡin Juda simiir iikamim naingwo t̄ibm̄iiȳim k̄ir̄ie rani sima simiir naingwo t̄ibm̄ii w̄ina saiir haiburgigam t̄irk̄im simiir bīiyan siȳīūin Mosesni siȳīū komii si napiȳin ini siiramar swok̄i am̄im. M̄i ta yokwowa iikam̄ im̄iir̄in m̄in bōink̄ika Jis̄is̄in Adi Komii siir ȳinis̄im̄in ini paekwos̄im ik̄im m̄i Moses ini simiir haibur̄in. M̄i ta Jis̄is̄ siir m̄īiya ya ini Mosesni m̄īiya saiir kou ywowa. M̄i ta Jis̄is̄ siir nh̄ieya ȳip̄iki dim̄in biȳie biȳeȳim s̄im haiyoprimdiȳīumiigiya ya ini wraisumi nh̄ieya saiir haibura. Jis̄is̄ siya omwai h̄irīiyar waiyayokiyok̄īiḡin. M̄i ta h̄irīinan saiirsika siya simiir asi bōink̄ik̄in sima Jis̄is̄ siiram naingwo t̄ibm̄iiȳim ȳip̄ik̄in bīiḡibīiyan pris̄in in̄ig komiigak̄in. Iriig.

Yaiya Adi Komii siir ȳinis̄im̄in siya hauuga kr̄im̄iir̄in.

¹ B̄idi b̄idiniyar̄in īi wh̄iekak̄im b̄idi yamkiȳim Adi Komii kr̄im̄iir Wan̄in siya siir yaiȳim profet kam̄im simiir bōinm̄imauugin, siȳīupai siȳīupaiȳim simiir. M̄i t̄i yaiȳim profet kam̄im sima ini kr̄im̄iir brougaeȳim simiir hauugiȳim.

² M̄i ta īiya d̄ig kingīin nwowi Adi Komii siya ta siir yaiya w̄i siir ȳinis̄im̄in īir hauugi. M̄i ȳio siya w̄i

krimiir swoki kwaboinmamauwu. Adi Komii siya siir b̄idi yimbinin siir digworaekwo whiekakim simiir haiyim. Mi biya Adi Komii siya siir boinin mi siya ini siir yai imiirar wakaeyoknan. Mi siya ninomor nu sowiir digworaekwo imiirin asi nonkwokwokikim.

³ Ti siir yinisimin Jisis siya krimiir n̄isiimauugin dimin komii komiyyim paenan n̄uyaiyim Adi Komii siirim, siir yinisimin ini siir Adin siir h̄iriinana ywowin. Siir yaiya saeya kiriekaka, digworaekwo whiekakim ninomor nu sowiirim siyar sibgu kigirkaki. Mi siyar naokin paeyin h̄iniya n̄irioninkin siirin, iikamim simiir dimin biyeyim ini siyar haiyopriimdiyumuigiyim. Mi siya ha swoki insiin idwonamin mi siya ninomor koua h̄iriir yam mi siya Adi Komii siir ina inig miya ini idwoi inkam komii nu kigriraowiyin siir h̄iriinan. Iriig.

Adi Komii siir yinisimin siya ini paekwosimim simiir haiburim

⁴ Dimusi rani, siya ini Adi Komii siir ina inig miya nidwowin mi siya ini paekwosim whiekakim kou hir nwowim simiir haiburim. Mi ti inigin Adi Komii siya hauuw̄in siya iriipi h̄iriinan siya ini paekwosimim simiir inig imiir haiburim.

⁵ Dimusi rani, biya Adi Komii siya paekwosim imiirin h̄iniina bi boinkin,

Kima kariir yinisimkim, panao kara pi h̄iniina boinki kara kimiir Adgin.

Adi Komii siya paekwosim simiirin h̄iriinan yai bi swoki boinkin. N̄ingaka, n̄inga k̄inga. Siya Jisis siirara boinkin.

6 Biiya Adi Komii siya siir yinisim yinhaomiyinin siirin nu tiriir nikropkiyam minin mi siya paekwosim simiirin hinina boinki, kima ti kariir paekwosimim kima siir inig iir hainanprapraski.

7 Mi siya yai nhirim paekwosim simiirin hinina boinkin, paekwosim sima kariir miyan inkam dwo mi simiir miyim opudnan hugidudu mirii. Mi simiir kirieya paenan diudkwakwa.

8 Mi siir yinisimin siirin hinina boinkin, kira ini Adi Komii ywowin kariir hiriinan. Kira inkam komii digworaekwo whiekakim simiir kigriraowiyin wi siir hiriinan nwowi. Inokinokin digworaekwo whiekakim kira wi wadieyar sibgu kigriraowi.

9 Kira wi siyu miyik miyikim simiiraramar naingwowi mi kira wi dimin biyeyim wi simiiram naingwo rani. Kara kiriir Adi Komiiyin kiriirin wi kara nokmwın okwohaiginuwi, inig komiigak nwowamin mi kira wi maigimaiga komiigakar nwowi. Mi ta maigimaiga wi iikam whiekakim simiir maigimaiga imiir haiburi.

10 Mi Adi Komii siya hinina swoki boinki, Biiyan Inkam Komii, kira bidi bidiniyarın nu ninomoro kiriir ingar nonkwokwoko.

11 Mhoiya ninomor nuwo sowa wa digiguski mi ni kira ningaka. Inokinokin wi hiriayar nwoyokiyoki mi ninomor nuwo yo wi wro namwoiwi yuis wronan.

12 Mi yio ini inkamin yuis kaba nitkaigiya mi yaeya yuis win swoki haiyin mi ha

niiyin ini siir hariinan ywowin. Mi kira nu ninomoro sowiirin wi hariinanar mi digiguskii. Mi wi yaeya nu ninomor win swoki onkwokwoki mi ni kira wi hariiyar nwoyokiyokii ami, wi kisina rani.

¹³ Biya Adi Komii siya hiniina boinkin, kira wi kariir ina inig miya nidwowi, maeyaua inkam komii siya nidwowiya saiir. Mi kira wi hariiyar nwoyokiyokii mi wi iya kara kirir sauan omomim simiir nonkwobumbunin iuguski wi saiir nadiguwi.

Adi Komii siya ti yayim simiirin paekwosimim simiir bi boinkin. Ningaka. Siya siir yinisim iirarar boinkin.

¹⁴ Mi yipikim paekwosimim, ha? Sima naeyunankim mi dimin taeminim Adi Komii siya boiniyim sima pa wakaeyokna diriraerari. Mi siya simiirin iikamim naingwo tibmiiyim simiirim yikropki simiir whinkinsiisim Adi Komii siya nimbim nanmaiwarkainam simiir. Iriig.

2

Adi Komii siya krimiir swoki anmaiwarkainaei yio dimin komii ieyairgin.

¹ Dimusi rani, Jisis siya Adi Komii siir yinisimkin digworaekwo whiekakim ini siyar kigirkakim mi krima krimiir kwoinaw haigi nonkworinu saiirin digumii kipi haimriiyugi, wim wi ini hanin kima kima priiyakirirkiisi.

² Adi Komii krimiir Wanin siya biya siir yai nhirim siir paekwosimim simiir boinmauugikin. Mi ta yayia ha hainamim mi ina boinmauwamim. Mi dimin taeminim

sima boinmimauuwim ina yimbiamim. Mi iikam nhirim sima ta yaiya saika nantamyiriyiri mi saiir wakaeyokna karam nwowi mi sima dimin biyie tiri mi sima wi hik kimpipisu prasae hai rani, ti dimin biyeyim sima tirim simiirsiyin, dimin biyeyim sima tirim simiir digar swoki haii.

³ Mi hiriinankiniuwi mi krima ta yai komiia Adi Komii siya boina, siya nanmaiwarkainana digumii saiir haimriyuwi mi krima wi panina napiyoki iya Adi Komii siya dimin biyekak iikamim simiir turbumbuwi saiirin, ha? Siyu karamaeka. Ningaka. Biya, Biyan Inkam Komiiyin siya hinina boinkin, Adi Komii siya wi krimiir nanmaiwarkainaei, iikamim sima ta yai aiir wakaeyoknaim sima hinina boinkim, ta yaiya saeya kaimwowainga. Saeya niksiae rani.

⁴ Adi Komii siyar nisiimauugin ti yayim sima kaimwowaingim, kiripai kiripaiyim siya tirim. Mi siya siyu miyik miyikim iikamim simiir whinkinsiisim tirkim mi Adi Komii siya naeyuin siir kwoin aingar naingwo hauugin iikam imiirin mi siya siir dimin miyik miyikim iikamim simiir hauuwikim. Iriig.

Jisis siya inkamnan nimbiamkin krimiir nanmaiwarkainaim.

⁵ Ti yayim tariinan krimiir boinim, sima ti nu whirin wi mhoiya Adi Komii siya tirki mi siir boinkin. Iikam yipikim siir wakaeyoknaim sima wi ti nu iir nwowi. Adi Komii siya paekwosimim simiir bi nimbingin ti nu win siir kigriraowamin. Ningaka.

⁶ Inkam nwirin Adi Komii siir yayim yokwoni siya winim saeya hinina winboinkika,

Iikamim sima dimkim, kira simiiram naingwowyin? Mi yinisisimim yim dimukim kima simiir sibgu kigriraowiyim, ha? Iikam krima ini inig karamae ywowim.

⁷ Mi siya iikamim krimiirin wi ii priei nokmwın owaiginu rani, paekwosimim simiir aowan. Mi kira diminim inkam komiyyim nu kigriraowiyim digworaekwo whiekakim simiir sima haiiyim simiir hiriinan hauugin. Mi sima ini paenan yuyakiyim. Mi sima ini inig komiigaka ywowin.

⁸ Mi kira digworaekwo whiekakim simiir nokmwın okwo haiginugin.

Ihi, Adi Komii krimiir Wanin siya digworaekwo whiekakim iikamim simiir aowa haiginkin. Mi dimin whirkin simiir koua bi swoki haigin miminkin. Ningaka: Mi ti diminim krima tariinanin simiir niki kig rani. Sima bi niki imbinikim. Ningaka.

⁹ Mi tariinanin krima bidi yinokninkinim dimin taeminim ti inkamin Jisis siirim. Mi ii priei rani, Jisis siya ti nu iir nwowin. Adi Komii siya siirin paekwosimim simiir aowa nokmwın okin mi siya ini inkam inig karamaenar ywowin. Mi tariinan Adi Komii siya inkamin inig komiigakin siir hiriinan yokmwın owaiginu mi siya ti dimin paenan niyuaeiyin Adi Komii siirim simiir hai. Dimusi rani, siya naokin iikamim krimiir dimin biyeyim mi krimiir hikim simiir haiyim. Mi Adi Komii siya iikam krimiirin wi dimin miyyik miyyik imiir hiriinansi tir haiginuwi.

10 Mi ini mi owin Adi Komii siya digworaekwo whiekakim simiir Adi mi owin mi simiirin siyar mi onkwokwokiya ini mi owin. Mi siya Jisis siirin minam nimbingin ti hik imiirin siyar mi haii siya kimpipisuam ini owin. Mi ta hika Jisis siir tira mi siya ini iikamim simiir nanmaiwarkainan inkam komii kin yamwoiun. Mi krima wi Adi Komii siir yinisim asi nwowi. Mi mhoiya krima wi siir dimin miyik miyikim ninomor kouanim wi simiir haii.

11 Krima dinokninkan, ti inkamin siya iikam whiekakim simiir dimin biye imiir bidi haiyoprimdiyumuigiyim mi ti iikamim sima ini rirmiya ywokiya, simiirin dimin whirki bi kimbugim. Mi Jisis siya mi sima, sima ini Adi Komii siir yinisim arar ywowin. Mi Jisis siya simiirin siir nomousim nikiusi paninsi yididsi.

12 Mi siya boin,

Adi Komii kara kiriir inigin wi kariir nomousimim simiir boinmauwuwi. Ihi, simiir whwonkam idain kara mwai waowi mi wi kiriir inig iir hainani. Maeyaua iikamim naingwo tibmii kiniiyim iripa sima haingiriyu omimiriya sair hirin.

13 Mi siya hiniina swoki boinki, Kara wi Adi Komii siir yai imiirar naingwo tibmii kini. Mi siya hiniina swoki boinki, kira kariir kigi, kara tisi tirar nwowin. Mi Adi Komii siir yinisimim kariir hauuwim sima tisi kanaka tirar nwowim.

14 Mi krima ti siir nomousimim piugak nhiekakaigim mi Jisis siya ini iripi hiriinan inkama mi amwoiun piugak nhiekak mi siya wa mi aowi mi siya Setan siirin wa

nonkwobumbuninkin iuguski mi siir siyiuin iikamim simiir tɔrbumbu aokaowiyin siir warar.

¹⁵ Mi siya hiriinan minsi tɔrkin, iikam krɔma naosi naingwo ididi mi Adi Komii siir kigi mi mhoiya krɔma wi naosi nidid rani.

¹⁶ Siya ti diminim simiirin paekwosim simiir whinmiriyim bi mɔnkin. Nɔngaka. Siya iikamim Ebrahim siir isidin siirin krɔmiir whindiriraeraram nitkin.

¹⁷ Mi ti hiriinan siyiuin siya inkam asi nwokin, siir nomousisimim krɔmiir hiriinan. Mi siya wa mi mirii prismi biyan inkam komii siir hiriinan iki iikamim simiirsi naingwoyimiyoim. Mi siya minsi naokin Adi Komii siir iowa siya nwowa dimin biyeyim simiir sairsi. Mi siya iikam imiirin Adi Komii saika nwoki inkiamasu haiginuwim sima iripa nongwomamair aeyam.

¹⁸ Mi siya hikpai hikpaiyim siir nimbiyamim mi siir kinankuim simiir kimpipisu bidiyar haiyin. Dimusi rani, siya wi nwoki kigninokninkinim iikamim ti hiriinan hik kimpipisu haiiyim simiirin. Iriig.

3

Jisis siir inig komiyyin ini Moses siir inig komii iir haiburin

¹ Nomiiyauwim yipiki Adi Komii krɔmiir Wanin siiram naingwo tɔbmii kinim. Adi Komii kmiiramim minam nikunakin diminin big nasmirwaiya Adi Komii siya nwowanin siir tirim. Mi kima Jisis siirim sibgu daingwokwo, Adi Komii siya Jisis siirar nikropkikin siir yai aiir boinmimauwam dimin whiekakim siya tiriyim.

Siya prismi biyan inkam komiiyin siya tiriym siir hiriinan. Mi krıma ti yayım siya boınım simiirar wakaeyokna boınmımauukın iikamım simiirin.

² Adi Komii krımiir Wanın siya bıdı yımbının ta siir miıya sairin mi siya ta Adi Komii siir miı miıyık aiirar asi sibgu wakaeyokna mırii, siya Moses siya tirin iıya siya Adi Komii siir iikam imaka nwowa sair hiriinan tirkin.

³ Mi Adi Komii siya mınam kiwakikın Jisis siir inigin Moses siir inig iir haiburım. Inkamın omaka komii mıriiyın mi inigak ha nwowiyın siir hiriinan. Omaka saeya bi nwowika inigakın. Nıngaka. Inkamın nonkwo mıriiyın siyar nwowikın inigakın.

⁴ Omakam sima sima bi mırii naeikim. Nıngaka. Omaka whiekakım simiirin inkamki nonkwo mıriigım. Adi Komii siyargin digworaekwowım simiir bwamkibwamın.

⁵ Moses siya whısarii mi mıriıyan inkamkın. Mi siya Adi Komii siir yay imiirar sibgu wakaeyoknaeikın iıya siya Adi Komii siir iikamım simaka hir nwowa mi siya Adi Komii siir dimın taemınım mhoııya nımbiyami simiir boınmımauugin.

⁶ Mi inkamın Adi Komii siir iikamım simiir kou nwowın yıo Jisis Kraıs sasargin. Mi Adi Komii siir yınisımın miıyım siya mıriiyım ini wadiekınar mi owım. Mi nım krıma iikamım naıngwo tıbmii kınım nım krıma Adi Komii siir pıuganka. Mi krıma naıngwo tıbmii kını Adi Komii siiramın mi kirıe hiriıyar nwowi mi krıma siiramın maırgımaırga hiriıyar nwowi, krımiir nanmaiwarkainam. Mi krıma iikam naıngwo tıbmiiyım wı Adi Komii siir pıugan nwowi. Mi

krĩma naingwo tĩbmii kĩn karam nwowi, siya wi krĩmiir nanmaiwarkaina rani. Nĩngaka. Iriig.

Mĩ iikamĩm Adi Komii siir yai aka nantamyĩriyĩriyĩm sima wi irĩpa nongwomamair ae rani.

⁷ Dimusi rani, krĩma ĩni Adi Komii siir iikamnan ywowĩm. Mĩ krĩma Adi Komii siir naeyĩu mĩiyĩkĩn siir yai ĩmiirar wakaeyokna. Siya hĩnĩĩna boĩnkĩn, panao kĩma pĩ siir yai aair wakaei,

⁸ mĩ kĩma kĩmiir mhĩi kwoĩnĩm pĩ kĩpi kĩkĩntĩmdĩnu kripkai biya kĩmiir yĩdiwi wanwiyayeyĩm sima kariir yai aka nantamyĩriyĩra saiir hĩriinan, iya sima nu siiyĩn apa nĩnga hir nwowa.

⁹ Mĩ sima kariirĩn saiir kĩnankĩugĩm. Mĩ ta maeyau aairĩn kĩmiir brougayeyĩm sima dimĩn whiekakĩm kara tĩrim sima biewiyĩm kamnwosa kĩgĩm. Mĩ sima hĩriinansi bi nwokĩm, sima ĩni kariiramar swoki kĩnankĩu kripkaiyĩm.

¹⁰ Mĩ kariir kwoĩnĩn tĩ iikam isidĩn simiirĩmĩn hauugihauuga asi whwiyĩekĩn. Mĩ kara ĩna boĩnĩn, ĩnokĩinokĩn simiir mhĩi kwoĩnĩm yaeya siyĩu whĩrĩma naingwowi siir napam.

¹¹ Mĩ kariir mhĩi kwoĩnĩm haugĩhauga asi whwiyĩekikĩm simiiramĩn mĩ kara hĩnĩna nĩkopaisĩrki, tĩ iikamĩm sima wi kariir om mĩiyĩkĩn pĩu siisiyĩn wi siir swoki it rani. Nĩngaki nĩngakĩnga!

¹² Mĩ kĩmiir kwoĩnĩm wi dimĩn biyeyeyĩm simiirĩm pĩ naingwowisi mĩ kĩma wi tĩ Adi Komiiyĩn

omwai waiyayokiyokiiyin wɛ digumii siir haimriiyugigisi.

13 Mi tariinanin inokinokin kima irira nwonwira kima kimar whinkinsis ankinsisnaei mi kimiram kinankiwi mi kima wɛ Adi Komii siirin wɛ digumii haimriiyugig rani. Ningaka.

14 Kima, kima kima whinkinsisna. Dimusi rani, biigi biyin krɛma Krai siir yai aiir wakaeyim, kima bidiyar yaingwo tɛbmiiyim mi krɛma bidiyar sibgu itinaku kripkaiyim. Mi krɛma hiriinan tiriyokiyoki ami mi iya krɛma naowi wɛ saiirar nadiguiwi. Mi krɛma inokinokin wɛ Krai saika nwoyokiyoki.

15 Krɛma ina ninokninkinim, ta yaiya ina nwokripkaiya. Saeya hinina boinka,

Mi tapa kima siir yaiya saiir wakaei mi krimiir
mhi kwoinim kipi kintindinu, biya kimiir
brougaeyim biya sima nantamyiriyira saiir
hiriinan.

16 Yipiki iikamim biya Adi Komii siir yai aiir wakaeyokna karam nwowim mi saika nantamyiriyirim, ha? Ti iikamim Moses siya nikunamim nu Isib hiranki mi ha namim sima.

17 Mi biewi kamnwiso Adi Komii siir kwoinin haughauga nhiniram whiyekin, ha? Siya iikamim siyu biye tirim kwoin haughauga simiiram whiyekin mi sima ini maeyau siyin apain ini hir yaokaowim.

18 Biya Adi Komii siya nhinir nokwao boinkin, ha? Sima wɛ om miyikin piu siisiyin wɛ siir nam tani kara simiiram nimbini Ningaka. Ti iikamim Adi Komii siir yai nantamyiriyirim siya simiirar boinkin.

¹⁹ Kríma ina nínoknínkinim, síma bí naingwo tíbmií kúngim. Mí síma omín Adí Komíí síya nímbinín símíiram píu síisiyín síir bí namkím. Níngaka. Dímusi rani, síma bí naingwo tíbmiíkím mí Adí Komíí síir yai aír bí wakaeyoknakím. Tríig.

4

¹ Adí Komíí krímíir Wanín síir nímбина saeya ina níki owa, saeya híniina bóinka, kíma kariir omín píu síisiyín síirín wa napnínopkai nami. Mí híriinankí níuwi kríma mántarao Adí Komíí síya krímíirín wí síir omín píu síisiyín síir kígnínkin apnínopkaigi karamae nwowisi.

² Kríma Adí Komíí síir yayíim ina wakaeyim bíiya krímíir brougaeyim síma wakaeya saír híriinan. Mí síma híndara wakaekím mí síma bí naingwo tíbmií kúngim mí ta Adí Komíí síir yayia síma wakaeya, saeya símíir bí swokí whíndíríraerarka. Níngaka.

³ Kríma íikamím naingwo tíbmií kúniyím kríma tí om míiyíkin píu síisiyín síirar namíkím. Bíiya Adí Komíí síya bóinín saír híriinan, ta yayia híniinga.

kariir kwóinín hauugíhauuga whwíyíekín mí kara híriinan así níkopaisísír bóinkín, íikamím kariir yai wakaé karamae nwowím síma kariir omín píu síisiyín wí síir napnínopkainani rani. Níngaki, níinga, kíinga!

Adí Komíí síya nu nínomor sowíirín ha nonkwokwo dígiyín mí síya píu ina síisín. Mí mhóíiya síya tí omín píu síisiyín símíiram ha bóinkín.

4 Mi Adi Komii siya Yokwo Komii saiirɪn ɪi ɪriiyar kwɪsaka saiirɪn hɪnɪna boɪnkɪn mɪ ɪi ɪriiyar kwɪrɪm Adi Komii siya mɪi whɛkakɪm sɪmiir mɪrii digi mɪ ɪi ɪriiyar kwɪsaka siya pɪu saiir siiskuwak.

5 Mi ta Yokwo Komiiya saeya hɪnɪna swoki boɪnkika, sɪma kariir om mɪiyɪkɪn pɪu siisiyɪn wɪ siir napnɪnopkainani rani. Nɪngaki, nɪnga, kɪnga!

6 Mi ta yaiya hɪriinana ɪna niki okripkaiya mɪ nhɪrɪm naɪngwo tɪbmɪi kɪniyɪm, om mɪiyɪkɪn pɪu siisiyɪn siirɪn wa napnɪnopkainami mɪ iikam nhɪrɪm biya yai wɪn kibi aiir wakaeyɪm mɪ ha swoki antamyɪriyɪrɪm, sɪma wɪ omɪn pɪu siisiyɪn siir hɪriir napnɪnopkainam tani. Nɪngaka.

7 Dimusi rani, iikamɪm yɪpɪki biigi biɪ wakaeyɪm Adi Komii siir yai wɪn kibi aiir mɪ tɪ omɪn pɪu siisiyɪn siir nam karamae nwowɪm Adi Komii saika mɪ Adi Komii siya sɪmiiramɪn ɪiya kwɪra swoki ɪmbɪn pɪu saika siisɪm. Mɪ mhɔiya biɛwi biɛwiyɪm biɪdi yamkiyɪm, Adi Komii siya digworaekwo whɛkakɪm Devidki si wɪnboɪnkiyɪm Yokwo Komiini siya hɪnɪna boɪnkɪn,

Mɪ tariinanɪn kɪma ta yai aiir wakaɛi, kɪma wɪ kipi nantamyɪriyɪr.

8 Mi Josua siya sɪmiirɪn tɪ omɪn Adi Komii siya nɪmbɪnɪn pɪu sɪma siisam, siir hɪriir whɪnamkiswo mɪ Adi Komii siya wɪ yaeya ɪigwɪr di swoki ɪmbɪni pɪu sɪma siisamɪn.

9 Mi hɪriinankɪnɪuwi, krɪma dɪnoknɪnkɪn, ɪigi ɪi kɪna pɪu siisiya Adi Komii siir iikamɪm sɪmiira ya ɪna niki owa. Ya ɪni ta ɪi ɪriiyar kwɪsaka, ɪiya Adi Komii siya digworaekwo whɛkakɪm sɪmiir

nonkwokwo digiya mi piu ha siisa ini saiir hiriinan ywowa.

¹⁰ Mi Adi Komii siya digworaekwo whiekakim ha nonkwokwo digiyin mi siya piu ina siisin. Mi iikamim yim wi hiriinanar mi tiri, sima wi simiir mi imiir haiburgigi mi piu wi Adi Komii saika nini siisiuwi.

¹¹ Mi krīma wi krīmasiyar mīntaraona krīma wi omin piu siisiyin wi siir nwoki amim mi wi Adi Komii saika nini owouwim mi kīma Adi Komii siirin digiumii kipi haimriiyugigs mi saika kipi nantamyiriyir biya kīmiir brougaeyim sima tira saiir hiriinan.

¹² Krīma krīmasiyar mīntarao ti digworaekwo imiirsiyin. Dimusi rani, Adi Komii siir yaiya saeya hinda bi priiyokaeyamka. Nīngaka. Saeya ina miriyya. Saeya ini wismir iokaka saiir io aiir haibura. Mi saeya inkamni haniin iiri tirirar bi naka ikwoyamyaenakika. Nīngaka saeya mhi kwoina hiriyar krimkrīkninopkainamika, inkamin inibi iniba krimkrīkninopkainamiyin siir hiriinan. Mi krimiir kwoinin pi saeyar kisisop hid haiginiuwi. Mi krimiirin pi saeyar mi isiimauuwi, wadiekipiyamisi owin, iyie? Wadie rani.

¹³ Dimin whir karamaeka Adi Komii siirsi kimirkaiyim. Nīngaka. Digworaekwo whiekakim tika nwoyokiyokiyim, siya simiirin ina kigirkakin. Mi siirin, krīma digworaekwo whiekakim krīma tirim, simiirin hiriyar boinmimauu swoki. Mi siya wi krimiir nwoki hidim. Iriig.

Jisis siya krimiir prismi biyan inkamkin.

14 Krımıir bıyan pris inkamın siya bıdi yamın mı siya ini Adi Komii saıka nwowın siir om iir. Tiki inkamın, yio Jisis siyaırgın Adi Komii siir yınisımın. Mı krıma sıbgu daıngwo tıbmii kın mı sıbgu daıngwo omok Jisis Kraıs siiramın tı krıma boınmımauwın inkamın.

15 Mı iikam krımıir kwoınım bı sıbgu owıpsıuwıkım iki dımın bıyie bıyeyım krımıir kınankıuwıyım, krıma bı sıbgu okworınuwıkım. Mı tı digworaekwowım krımıirın wı sıma nıkwowaisii krımıir kwoın imııram kınankıuam. Mı krımıir bıyan prısın siya krımıırsıyın naıngwoyımıyok prasae rani, tı inkam naıngwoyımıyok komııgakin siir hırıinan digworaekwowım krımııram kınankıuım sımiırsıyın. Mı siya krımııram dımısi naıngwoyımıyok rani, tı digworaekwo hırıinanım krımıir kınankıuım, siirın bıdiyar mı kınankıuım. Mı siya sımiir bı napkın mı sıyıu bıyie ha bı tırkın. Nıngaka.

16 Mı hırıinankı nıuwi, krıma wı kipi nıdid. Krıma Adi Komii siiramın hırııyar kwısbınanıe, krımıir dımın bıyeyım sımiir haiyoprıımdıyımııgıyam mı krımıirın wı sıyar mı whınkınsııs haıgınıuwi, tı dımın bıyeyım krımııram kınankıuım sımiırsıyın. Mı krıma sımiir nıkwowaisııyım wı dıgar mı owı. İrııg.

5

Jisis siya krımıir bıyan prısın siya wı dıgar nwowı krımıir dımın bıyeyım sımiir haiyoprıımdıyımııgıyam

1 Mi Juda iikamim, inkamın prismi Biyan Inkam Komii nwowamın siirın pı simar nokmwın okwo haiginiuwi. Mi ti prismi biyan inkam komiiyin, iikamim simiir miyim pı siya siyar mrii yokiyokii inokinokın. Mi iikam imiiramın nhwo pı siyar kwisboini. Mi simiir nae miyik miyikim pı siya mi inkın imiyeaei Adi Komii krımıir Wanın siirım simiir dimın biye imiirsi.

2 Mi prismi biyan inkamın siya iikamim Adi Komii siir yai aiir wakaeyokna ap karam nwowım, habwowhaenan nwowım mi siyu biye ha tirım simiirsiiyin naingwoyimiyok pranae bi kinikın. Mi siya krımıirsiiyin wa naingwoyimiyoki. Dimusi rani, ii nhirim siirın dimın biyeki nipiyaokii, yo wı hiriinan siyu biyeyar mi tiri, krımıir hiriinan.

3 Siya naeyım Adi Komii siiramın krımıiraramar bi nınkın imiyeaikın. Nngaka. Siya, siyam warar mi inkın imiyeaikın. Dimusi rani, ii nhirim siirın dimın whirki kinankıuwi, siya wı siyu biyeyar mi tiri. Mi Adi Komii siya wı siir dimın biyeyım mi krımıir ikım wı simiirar haiyopriimdiyumiigi swowi.

4 Inkamın prismi biyan inkam nwowiyın, siya inig komiigakın. Siya siirara kwoınkar bi nwokın, ta hiriinan mi aiirın. Nngaka. Siirın Adi Komii siyar nokmwın okwo haiginiugin, ta mi aiir mriiyamın. Biya Eroni, siya nokmwın okwo haiginiuwın siir hiriinan prismi biyan inkam nwowam, saiir hiriinan.

5 Mi Kraisiya prismi biyan inkam nwowamın sasair bi nwokın. Nngaka. Siirın Adi Komii siyar nokmwın okwo haiginiugin. Mi Adi Komii siya

siirin hiniina boinki,
 Kira kariir yinisimkin! Mi tariinanin kara ini kiriir
 ad ywowin.

⁶ Mi Adi Komii siya Yokwo Komii saiirin Jisis Kraiis
 siirin hiniina boinkikin,
 kira wi prismi biyan inkam nwowi inokinokin.
 Ti prismi biyan inkamin Melkisedek
 dapiyin siir hiriinan.

⁷ Mi biya iya Jisis siya nu tir nwowin, inkam
 krimiir hiriinan mi nhwo ha kwisboinin Adi Komii
 siiram, ouuba ini warar yaokiinainiya. Mi Adi
 Komii siya dimin taeminim siya kwisboinim simiir
 wakaeyin mi siya siirin ina whindirararin. Mi
 siya bidiyar iki aonamin mi siirin Adi Komii siya
 swoki hidninsiin idwo ie hiranki. Mi siya ini
 omwaiyar swoki waiya. Dimusi rani, siya, siya-
 mar bi naingwonakin. Siya Adi Komii siir kwoin
 iirarar napkin.

⁸ Jisis siya Adi Komii siir yinisimkin. Mi siirin
 dimin kasa kasaki bi nonkwoninwoimwairninkin
 haiginugin. Mi ti digworaekwowim siir
 nonkwoninwoimwairninkin haiginuwim yim
 siir whinkinsiis haiginugin. Siya Adi Komii siir
 kwoin iirar sibgu wakaeyokna apim.

⁹ Mi siya Adi Komii siir kwoin iirarar napkin.
 Mi ti hiriinan siyiuin yo min nusiimauugin siir
 kwoinin dimin biye whir swoki aingwo rani.
 Ningaka. Mi ti hiriinan siyiuin siya wi dig asi
 nwowi, iikamin yipiki siir yai aiir wakaeyokna
 apim simiir nanmaiwarkainam. Mi sima wi
 omwaiya nwoki waiya yokiyokikaeyamin.

¹⁰ Adi Komii siya yokmwain okwo haiginu
 Jisis siirin prismi biyan inkam nwowam

biiya Melkisedekni siya nokmwɪn okwo haiginuwa prismi biiyan inkam nwowam sair hiriinan. Dimusi rani, ti diminin Jisis siya nanmaiwarkainan simiir dimin bibiyeyim simiir sairsika. Iriig.

Krɪma wigkam inkam adiyaowaenan dwo Adi Komii siir yai aiir wakaeyokna apamin.

¹¹ Mi Krai Melkisedek sowiir diminpai diminpaiyim kara simiir boinmimauuwamin ina naingwowin. Mi kara simiirin wi sibgu nanaakninkii rani. Dimusi rani, kimiir kwoinin ini habwowhaenan ywowim. Mi kimiir kwoinin ta yai aiir wakaeyamin rirmiiya bi nwokim.

¹² Kima kwokikwokiyaeya bi naingwo tibmii kingim wi Adi Komii siir yai aiir nowomwarkaiyuwan iikam pi ywowin. Dimusi rani, kima Adi Komii siir yai aiirin kwokiyaeya bi mi aingwo tibmiigim. Mi kima dig bi nwokim ini yinkinyaeyaowim. Mi Adi Komii siir yaiya biiya kima wakaeya sair bi sibgu ninokninkinkim. Mi wim kima iikam nhiramin ina naingwowim, kimiir swokini owomwarkaiyuniiyim. Mi kima wa nwoki inokinkinim kima inakamae rani, nae kirie kirie bi rimtiowikim. Kima ini yinisim praigaknan ywowim, ini mwiiyar niki aeyim. Dimusi rani, kima Adi Komii siir yai aiir bi wakaeyoknakim, kima tira sair hiriinan.

¹³ Krɪma dinokninkin, iikamin biiya ta Adi Komii siir yai aiir niki wakaeyim mi sima mhoiia kwisaka ha swoki wakaei mi yim ti hiriinan iikamin ini habwowhaenan ywowim. Sima kirie karamaeka yim ini yinisimin siir yopiini mwiiya niki aeyin ini siir hiriinan ywowin. Sima Adi Komii

siir yai aiir bi ninokninkinkim piki hinina dimin ikin biyeyin mi piki hinin dimin ikin wadeyin.

¹⁴ Iikamim inakamae nwowiyim yim nae kirie kiriyim ha naeikim. Mi yim sima ina ninokninkinim, piki hinin nae ikin biyeyin mi piki hinin nae ikin kibiyin. Mi yim ini iikamim naingwo tibmii kiniyim mi kiriekak ha nwowim, ini simiir hiriinan ywowim. Mi ti hiriinan siyuin ini iikamim naingwo tibmii kiniyim sim naingwo omok diriraerariyim piki hinin dimin ikin biyeyin mi piki hinin dimin ikin kibiyin ini simiir hiriinan ywowin. Iriig.

6

¹ Krima yaiya Krais siira biya sima boinmimauwa idowigidowiyana saiiramar kipi naingwokripkai. Krima siir yai nhirim aowa aowanim warar wakaeyokna ap. Mi krima wi siir mhoiya nwoki amim, ta krima tira saiir hiriinan. Mi krima ti yayim biya krima wakaeyim simiir simiira kipi naingwokwonanae. Taka yaiya ya hinnga, krima siyu biye siirin digumii haigingig, naokaoiga krimiir ninuwiyin mi Adi Komii krimiir Wanin siir yai aiir wakaeyokna apnam.

² Mi ta yaiya biya krima boinmimauwa kimiir baptaisni siyupai siyupaiyim sim mi iikamim ina simiir mwo imiir mi onkwowim Adi Komii siir dimin kirie komii komiiyim simiirin ha mi isisiimauu mi ombud komiiyin ha naokaonamim mi simiirin ie hirankar mi kininsiin idwo mi iya Adi Komii siya simiir hidana nhirim wi paeya nami mi nhirim wi ninomor koua nami.

Mi ninomor koua namim yim wi omwaiyar waiyayokiyokii. Mi hiriinan digworaekwowim yim kimiir nowomwarkai haiginiugin.

³ Adi Komii siya krimiir whinkinsiis haiginiuwam tiri. Mi krima wi iki siir yai nhirim simiir nwoki wakaeyokna apim, krima tira saiir hiriinan.

⁴ Kara kimiirin hiriinan minsi boinki. Dimusi rani, iikam nhirim biya sima bidiyar iki aingwo tibmii kinim. Mi sima Adi Komii siir yai aiirin bidiyar sibgu wakaeyoknam. Mi sima dimin miyyik miyyik bidiyar mi haiyim, Adi Komii siya hauugiyim siir om hirankin. Mi Adi Komii siir naeyiun simiir piu bidiyar mi ii okwokaiyim. Mi sima Adi Komii siirin digiumii haimriiyugigi mi krima simiirin wi panina swoki boini, ti siyiu biyeyin siir haiburgigim mi Adi Komii siiram swoki amim, ha? Nningaka. Yio siyiu rani.

⁵ Sima bidiyar yinokninkinim Adi Komii siir yaiya biya sima wakaeya, saeya yai bimbuiwi rani. Mi dimin kirie komii komii nhirim biya Adi Komii siya tirim bidiyar mi kigim. Mi mhoiia krima wi simiir whiekakar kigswowi.

⁶ Mi sima Adi Komii siir yai kibi aiirin digiumii haigingiki mi krima wi panina tiri, simiir swoki ikiunaniyim Adi Komii siiram swoki itam ha? Nningaka. Yio siyiu rani. Sima wi Adi Komii siir siyiu iir swoki ap rani. Nningaka. Dimusi rani, yio ini Jisis siirin paeyin hiniya nironinkinin saika swoki inkirinu isomaoni hinin ywowa. Mi iikam nhirim sima ti hiriinan siyiun siir kigi, sima wi Kraisiir tirigini.

⁷ Iikamim yipiki naingwo tibmii kinim mi Adi

Komii siir yai aiir sibgu wakaeyokna apam, yim ini ti nuin siir hiriinan ywowin, iya naoki kinkiyim mi nao opa ha sinkainainamiya. Mi sasaeyim inkamki ninkinim ha sibgu inan iigiyim simiirin pi Adi Komii siyar kirie haiginuwi. Mi iikamim yipiki Adi Komii siir yai aiir sibgu wakaeyokna apiyim yim ti nu miyikin ini siir hiriinan ywowin.

⁸ Mi iikamim biya niki aingwo tibiimiyim mi tariinanin, digumii Adi Komii siir swoki haimriiyugigim, yim ini nuin wapnao minkin ninkisaioae nankaiyin ini siir hiriinan ywowin. Mi ti nuin yo nu miyiki miyik rani. Mi Adi Komii siya wi io ti hiriinan nu iir nwowi. Mi siya wi ha boini, ti nuin, nu paii rani, siirin wi siya haingimugii. Mi iikamim biya naingwo tibiimiyim mi Adi Komii siirin digumii ha swoki haimriiyugigim, simiirin wi Adi Komii siya boinwokiyopnatkaigi paeya. Ti nu biyeyin Adi Komii siya haingimugiyin siir hiriinan.

⁹ Ti kariir akam kungikinim, ta yai biye hiriinana kara boinkiya kimiir, kara ha naingwowi, kima wi dimin miyik imiirar tiri mi wa sibgu wakaeyokna api. Mi Adi Komii siya krimiirin wi hiriinansi nanmaiwarkinaei.

¹⁰ Adi Komii siya inkam biye rani mi siya dimin taeminim kima tirim simiirin wi ha naingwo owouu rani. Ningaka, siya wadiekwadie ieyargin mi siya ina naingwowin dimin taeminim kima tiriyim simiirin. Mi ti hiriinan dimin taeminim kima tirim iki iikam nhirim biyanim sim mi ha nityokiyokiyim mi tisi tariinanar nadigniyim, yim Adi Komii siir nisiimauugin, kima siiram naingwowi. Dimusi rani, kima siir yai imiir

wakaeyokna apkim. Mi Adi Komii siya ti digworaekwowim sima tirim simiirin wa naingwowi.

¹¹ Mi kara irira nwinwira kimiiram ha naingwowi, kima kirie hiriyar dwoyokiyokiyam, Adi Komii siir digworaekwo imiiram. Mi siiram in hiriyar nwokwokinim iya Jisis siya swoki iti krimiir nanmaiwarkainaim. Mi kima hirii hiriyar tiryokiyoki ami mi wi kimar naobudgii.

¹² Kara kimiiram in minam naingwowi, kima Adi Komii siiram in piugi kipi piyao. Kima iki iikamim Adi Komii siiram naingwo tilmiiyim simiir yai imiir wakaeyokna. Mi iya siya swoki itana saiirim nwokwokini, sima wi dimin miyik miyikim biya siya boinim krimiir, wi simiirar hauwi. Iriig.

Krima dangwo tilmii kin.

¹³ Mi biya yai nhirim Adi Komii siya Ebrahim siir boinmimauuam tirim, siya simiirin wa boinmimauuwi. Mi siya ti yayim siir inig iirar swoki ikopaisisirnaekin. Dimusi rani, siya Adi Komii gin, siir kouin inkam nwirki bi nwokin. Ningaka.

¹⁴ Mi siya siirin hinina boinkin, Ebrahim, kara kimiirin wi dimin kirie komii komii imiirar tir haiginuwi. Mi mhoiya kirii isidin siir yinayim wi kasa nwo rani.

¹⁵ Mi ta saiir mhoiya Ebrahim siya ina kaoraraowin, ti diminim Adi Komii siya boinkiyim siiram, sima nimbiamam. Mi siya hiriyar kaokaigiyin, ini ti digworaekwo imar yimbiniyim.

¹⁶ Mi iya inkam in dimin whir nimbiniyim, siya pi inkam in inigin kouwarigsim nwowin pi siir inig iir nikopaisisirkii. Mi ti hiriinan siyiuin iya inkam

nhirkim siir yai aairin hiriinan wakaekii mi sima wa boinki, ihi, dimin siya nimbini yio wa tiri.

17 Adi Komii siya iikam krimiir nsiimauuwam tiri, yipiki ti digworaekwowim biya siya nimbingiyim krimiir, simiir haiyanim. Siya krimiirin min nsiimauugin, ta siya nikopaisisira siir inig iirar mi sair.

18 Mi ta yaiya Adi Komii siya nikopaisisirkiiya siir inig iirar, ya krimiirin min nsiimauuga, diminin siya siir inig iirar dapikopsisirkiiyin, yio bi swoki ikopsasaeikin. Yim ti hiriinan diminim yim krimiir kirie haiginugim. Mi ta kirieya ya wi hiriyyar nwoyokiyokigiyami mi wi iya Adi Komii siya nimbini digworaekwo whiekakim krimiir hauuwam, wi sairar nadiguwi.

19 Krima ina ninokninkinim, mhoiyya krimiirin wi Kraisi siya nanmaiwarkainaei. Mi ti digworaekwo hiriinanim, krimiirin wi sima kinsis haiginuwi, sibgu okworinuwanim, paeyin uridgi nitkiniiyin mi ha sibgu okwowyin, siir hiriinan. Mi ti digworaekwowim, ti krima wakaeyokna apim, wi bopwoniya sima ninikiwitkii, yuisa Adi Komii siir maeyaua sair nwowa. Mi Adi Komii siya mi krima, krima wi kwoin whiruwar nwowiski.

20 Ta Adi Komii siir maeyaua huuyokiyokaiya dimin whirki kimbu karamae nwowa biyin Jisis siya napninopkainamin mi krimiir igsopa siyar yokwokairina. Mi krimiirin siya whinkinsis haiginu. Mi siya ini prismi biyan inkam ywowin iinokinokin. Ti prismi biyan inkamin Melkisedek nikuwiiyin siir hiriinan. Iriig.

7

Melkisedek siya prismi biyan inkamkin.

¹ Jisis siya Melkisedek siir hiriinan prismi biyan inkamkin. Melkisedekin yio om Selem hiran iikamim simiir kigirkakikin. Mi siya Adi Komii siir prismi biyan inkam warargin. Mi biyarin Ebrahim siir isidin iki inkam komii komii nhirim om nhirim sau simaka ninitim simiirin yamdi kwiruwa sima hainurur haiginiugig. Mi iya sima sau ha ninid dignaniyim. Mi Melkisedek siya simiirin siyu hir yapyiskaiwin. Mi siya simiirin ina yokboinmamair haiginiugiyim.

² Mi digworaekwo miyik miyik whiekakim, Ebrahim siya hainaniyim ti omim simiir hirankin, siya simiirin whieyim, iuura siotkin. Mi siya whie iuur aka, ya kimidiniya Melkisedek siir hauu. Mi nokiinwokiyim yim ini siyar haiyim. Mi Melkisedek siir inigin siir inig mwoki, inig mwowin yio minkin, inkamin dimin kibi kibi tiriyin siya. Mi siir inig mwoki inig mwo whirin yio minkin, inkamin iikam iripa nongwomamair aekin. Dimusi rani, om Selem hiran iikamim, simiirin ini siya kigirkakim.

³ Mi biyarin inkam nwirki bi winkin siir yopii ado mi siir yidiwi wanwiyaeyim mi siir isidin simiir inigin yokwoni. Ningaka. Krima ninokninkin tani, siirin wig inkamkar namisi aokainakin, iyie? Krima ninokninkin tani, siya bidi pi piyamisi aonamin iyie? Mi krimiir kwoinin ha naingwowi, siya Adi Komii siir yinisimkin. Dimusi rani, siya ini omwaiyar waiyayokiyokiyin. Mi siya wi prismi biyan inkam nwowi inokinokin.

⁴ Kima bidiyar yinokninkinim siya inkam komii ieyairgin. Mi Ebrahim siya inig komiigak siirar mi owaiginu. Mi ti digworaekwo whiekakim sau aka siya ninat hainakiyim iki om nhirim simiir inkam komii komiiyim om kigriraowiyim simiir hiranki, siya simiirin iuura sioitkin mi siya whie kwira kimidiniya siir hauu.

⁵ Mi kam nhirim Livai siir isidin siirin sima ini prismi miya sair haiyim. Mi Adi Komii siir siyiu komiiyin hinana boinkin, dimin taeminim Isrel simiir iikamim sima haiyim sima ii nhirim simiirin iuura timi sioitkin mi iuur akain yio Livai siir isidin siir hauugi. Mi Isrel simiir iikamim yim Ebrahim siirgisir isid ieyairgin. Mi ti pris inkamim sima pi simiir pugana sair iikami digworaekwo imiirar swoki kwahai. Mi ti hiriinan siyiuin yio ini ywowin.

⁶ Mi Melkisedekin yio Livaini isidin siir tani mi dimusika siya Ebrahim siir dimin iir haiyin, ha? Siya Livai siir isidin siir inkam tani mi siya diminin iuur akain Ebrahim siirarim siyar sioitkinim simiirgisimiirar haigin. Mi siya siirin ina yokboinmamairgiyin. Siya hinana boinkikin, Adi Komii siya ini kinakar nwowin. Kima bidiya yinokninkinim Ebrahim siya inkam komii ieyairgin. Biya Adi Komii siya Ebrahim siir nimbingiyin mi siya wi simiirar tiri.

⁷ Kima ina ninokninkinim, inkamin, inkam nwirniyin hinana boini, Adi Komii siya ini kinakar nwowin mi ti inkamin ta yai kibi hiriinana sair boinin, yio ini inkamin hindara wakaeyin ini siir kou ywowin. Whisarii rani, yio Adi Komii siir igsoa sair nokwokairinakin, siir

nokboinmamairam.

⁸ Mi pris inkamim yipiki Isrelmi dimin taeminim sim dimin iuur akaim sim haiiyim, yim wi wai biyeyar mi owi mi wa mi aowi. Mi yio Melkisedekin yipikin Ebrahimni dimin iuur akain si haiyin, Yokwo Komii saeya ha boinka, siya wi nao rani. Niingaka.

⁹ Hiriinan mi boinin ti inkamin Livai nikiuwiyin, siya dimin iuur akain Melkisedek siir mi hauugiyin. Iya brougae Ebrahim siya ti dimin haimeii iuur akain Melkisedek siir hauuwun, yio ini siir apuin Livai siya hauuni hanin ywowin Melkisedek siirin.

¹⁰ Mi iya Ebrahim siya Melkisedek siirin siyiu hir napyiskaiyin, Livaiyin yio bi niki aokainakin mi krima hanin dimusi boinkim, ti diminim Livai siya hauugikin Melkisedek siirin, ha? Ebrahim siya Livai siir brougaekin mi iya Ebrahim siya digworaekwowim Melkisedek siir hauuwim, yio ini Livai siyar hauuni hanin ywowin. Mi Melkisedekin yio ini Livai siir kou ywowin.

¹¹ Bidi bidiniya Adi Komii siya siir siyiu komiini yayim, Moses siir hauugikin. Mi Moses siya Isrel simiir iikam imiir hauu. Mi ta yaiya hanina boinka, ti kamim Livai siir isidanim sima prismi miya wi saiirar mirii mi nae minim wi warar ninkinimiyaei, Adi Komii siirin. Mi Adi Komii siir omaka saiir warar timi kigrirao. Mi ti dimin biyie krimiirim simiirin ti kam ima haiyoprimdiyiumiigikiswo mi mhoiyya Adi Komii siya Kraiis siirin wi di swoki imbingi krimiir prismi biyan inkam nwowamin. Niingaka.

¹² Mi Adi Komii siya nikropkiyin prismi biyan

inkamın yio ini saa ywowaın. Mi ini prismi biyan inkamım simiir kisina okwowaın. Mi ti siyiu komiini yayim biya Adi Komii siya hauugiyim Moses siir yim ina digiyim mi iriipi hiriinan Adi Komii siya siyiu komiini yayim yaeya yaiwin swoki hauugi, ti biyan siyiu komiinyın siir maeyau aiir swoki kisina okiyam.

¹³ Ti yayim ti inkam iir boınim, siya Livai siir piuganan inkam tani. Niingaka. Siir yidiwi wanwiyaeyim yapa piuganankim. Mi siir yidiwi wanwiyaeyim simiir piugana biya simiir nwiirkin ta prismi miya nae ninkin imiyyaeiya saiir bi swoki miriimiminkim ta miya ya simiir mi rani. Niingaka.

¹⁴ Krıma bidi yinokninkim, krımiir Biyan Inkam Komiiyın siya Judami piugana saeya naokainakin. Moses siya ti isidin prismi miya sae miriyyim, simiirın yaimir sim kwir bi swoki boınmiminkin. Niingaka. Iriig.

Jisis siya prismi miya wi hiriinana nwoyokiyokiyami Melkisedek siir hiriinan.

¹⁵ Mi krıma tariinanın bidi yinokninkim mi iya ti prismi biyan inkam nwiirın siya nımbiyamın siya Livai siir piugana saiir inkam tani, siya Melkisedekin prismi biyan inkamın mi miriyyın siir hiriinankin.

¹⁶ Mi iya Adi Komii siya nımbinkiyın siirın prismi biyan inkam nwowam mi siya ti siyiu komiini yayim Moses siya win boınkiyyim prismi miya wi Livai siir piugana sasar nwowi siya hiriinan bi naingwokin. Niingaka. Mi ta siir kirieya omwai waiyayokiyokiiya inokinok,

siirɪn saeya mɪnkikɪn prismi biyan inkam nɪmbiyamam.

17 Adi Komii siir yaiya Yokwo Komii sair wɪna mi saeya hɪnɪna boɪnka, kira iɪnokɪnokin wɪ biyan inkamar nwoyokiyokii Melkisedek siir hɪriinan.

18 Adi Komii siya biɪdi yɪnakiyɪm biyan prismi kamɪm simiir siyɪu komiini yayɪm. Dimusi rani, ti yayɪm yɪm wɪ dig nwo rani, krɪmiir whɪnkɪnsiis haigɪnɪuwɪm omwai Adi Komii saɪkar waiyayokiyokiyɪm iɪnokɪnokin. Nɪngaka. Mi Adi Komii siya ti biyan siyɪuɪm simiirɪn asi digikɪm.

19 Whɪsarii rani, ti siyɪu komiini yayɪm Moses siya wɪnɪm Yokwo Komiini, krɪmiirɪn wɪ dimɪn whɪrki kimbu karamae sɪma nwo rani. Nɪngaka. Mi Adi Komii siya yaeya siyɪu wɪn whɪrɪn siir dirɪraerarki krɪmiirɪn. Mi tariinan siya yai wɪn kɪbiya Krais siir boɪnkin krɪmiir, ini yayɪm biya Moses siya wɪnɪm Yokwo Komiini ini simiir haiburɪm. Mi krɪma ta yayɪwɪn kɪbiya sair wakaeyokna api mi ha naɪngwo tɪbmii mi saeya wa whɪndiraerari krɪmiirɪn Adi Komii siir kingiɪn nwoyam.

20 Adi Komii siya Jisɪs siirar nɪmbingɪn pris inkam komii nwoyamɪn, siya siirɪn whɪsarii bi nɪmbingɪn. Nɪngaka. Siya ti yayɪm siir inɪg iirar biɪdi yɪkopwaisiirɪn. Fiya siya siir nɪmbingiya mi biyan pris inkamɪm sɪma siir hɪriinan tani. Mi Adi Komii siya inkam nwɪrniyɪn biya siir inɪg iirarɪn hɪriinan bi nɪkopwaisiirkin pris inkam nwoyamɪn. Nɪngaka.

21 Mi fiya Adi Komii siya Jisɪs siirɪn pris inkam komii nwoyam nɪmbinɪn siya siir inɪgɪn Adi

Komii siirar b̄idi yikopwaisis̄ir̄in kiriiram̄in mi kira pris inkam komiia nwoyokiyok̄i inok̄inok̄in. Mi kariir kwoin̄in w̄i swok̄i kis̄ina haigi rani. N̄ingaka.

Kara, Adi Komiiḡin kara kariir in̄ig iirar b̄idi yikopaisis̄ir̄in kiriiram̄in, kira w̄i pris inkama nwoyokiyok̄i inok̄inok̄in. Mi kariir kwoin̄in w̄i kis̄ina haigi rani. N̄ingaka.

²² Kr̄ima b̄idi yinok̄n̄kin̄im ta yaiya Adi Komii siya nikopaisis̄ir̄in siir in̄ig iirar Jisis siiram. Saeya yai kir̄ie komiiḡikomiiga. Mi ta yaiya siya kit̄bm̄ii boina ya in̄i yayim̄ biya Adi Komii siya Moses siir hauuw̄im mi Isrel simiir iikam̄im simiir mi hauuw̄im in̄i simiir haibura.

²³ Mi dim̄in wh̄ir̄in ȳio hin̄inḡin, biya pris inkam kasa rani. Dimusi rani, sima pa mi aokaowi mi simiir igsopa p̄i inkam nw̄rkar mi okwokairinanaowidi. Mi t̄i hiriinan siȳūin īi kasa bi t̄ir̄kin. Simiir inkam nw̄rki omwai hiriayar bi waiyayokiyok̄iḡin. N̄ingaka.

²⁴ Jisis sasair̄ḡin omwai waiyayokiyok̄i mi w̄i ta hiriinan saiirsi nwowi siya pris inkam nwowamin. Mi siir igsopa w̄i inkam nw̄rki swok̄i okwokairiina rani. Dimusi rani, siya bi naowikin.

²⁵ Dimusi rani, ta saiirsika, Jisis siya w̄i digar nwowi iikam̄im yip̄ik̄im siiram naingwo t̄ibm̄ii kin̄im simiir nanmaiwarkainaei. Dimusi rani, kr̄ima Kraisi siir yai aiir wakaeyokna apk̄im. Kr̄imiir̄in w̄i siyar wh̄ink̄insiis haiḡin̄uwi. Dimusi rani, siya w̄i nao rani. Siya in̄i omwaiyar waiyayokiyok̄iyin. Mi siya in̄i Adi Komii kr̄imiir Wan̄in saikar nwowin mi siya nhwo in̄i

krimiiramar kwis boinin.

²⁶ Jisis siya'irgin prismi biyan inkamin mi siya inkam wadiekin siirin dimin whirki bi kimbugin. Siya iikam krimiirin dimin biyieki naokingugunankaiyim krimiirin nu tirar kwaeyoprugingig. Mi siya Adi Komii saika ini owou. Mi siirin Adi Komii siya ywowaiginiu inig komiigak.

²⁷ Mi iki prismi biyan inkamim biyanim simiir hiriinan tani. Nningaka. Damin taeminim sima ninkin imiiaeyim, Adi Komii siir, simiir dimin biyeyim sima bi haiyoprindiyumiigikim. Nningaka. Mi inokinokin, biyin sima pi simiir dimin biye imiirsiyar niki inkim imiiaei. Mi mhoiya sima Adi Komii siiramim pi iikam nharimi naeyim sim ninkin imiiaei. Mi Jisis siya ti kamim simiir hiriinan tani. Nningaka. Siya ta saiirin i kwiruwar tirkikin, iya siyar naowa paeyin hainiya nironininkin si mi naeni haninin siya siir pu ailar ninkin imiiaekin, Adi Komii siirin. Siya siir pu ailar naeni hanin minsi ninkin imiiaekin, iikamim simiir dimin bibiyeyim simiir haiyoprindiyumiigiyam. Mi siya saiir bi swoki tirkin, idipidipin. Nningaka. I gwiruha siyar bidi tirki iskiya.

²⁸ Mi yaiya biya Adi Komii siya hauwa Mosesni, prismi biyan inkam komiiyim saeya nokmwim okwo haiginiuga. Mi ti kamim yim inkam pai rani, Adi Komii siya ha boinkin, simiir kwoinim dimin biyieki bidi yaokingugunankaiyim. Mi ta yai kirieya Adi Komii siya boinkiya mhoiya, ya siir yinisim iir nimbingiya saiir nikopwaisisirkika. Jisis siya

iki prismi inkam komii nhirim simiir hiriinan tani, siyu biye bi tirikin. Ningaka. Siya prismi biyan inkam komiigin omwai hiriyyar waiya yokiyokikaeyamikin. Iriig.

8

Jisis siya Adi Komii siir omaka ninomor kou hirana sair pris inkamkin.

¹ Mi ti digworaekwowim kara kimiir boinkiyim yim hiniingim, krimiir biyan prisin, siya ini kara boina ini sair hiriinanar nwokripkaiyin. Siya Adi Komii saikar nwowin, siir omin ninomor kou hir nwowin siir. Mi tariinanin siya ini Adi Komii siir ina iniig miya nidwowin, maeyauwa kamim inig komiigakim digworaekwo whiekakim sim kigirkakiyim sima nidwowiya sair.

² Siya ini ninomor kou hir nidwowin mi siya ini prismi inkamnan miriyyin. Siya ti hiriinan diminin ini omaka Adi Komii siyar nonkwo miriyya ninomor kou hir ini sair hir miriyyin. Ya tariigina ya saeya maeyaugimaeyaua Adi Komii siir inig iir hainaniya sairin inkamki bi nonkwo miriiga. Ningaka.

³ Mi bidi bidiniyarin, siyu komii siir siyuin Adi Komii siya hauuim Mosesni, iikamim sima sibgu apam siyuin prismi biyan inkam nokmwon okwo haiginuwiyin, dimin taemin Adi Komii siir ninkin imiyyaeyam mi hiriinanar mi tir. Mi krimiir prismi biyan inkamin yo ti hiriinan siyu iirar mi tir, dimin taeminim Adi Komii siir ninkin imiyyaeyam.

⁴ Mi Jisis siya nu tir nwokiswo, siya wi prismi biyan inkam di ywowi. Dimusi rani, nu tirin iriipi hiriinan pris inkamkakaargin dimin taemin

nɪnkɪn ɪmɪyaeyamɪn Adi Komii siir, siyɪu komii siya boɪnkiya saiir hɪriinan. Mɪ sɪma Jisɪs siiram panɪnsi kiwakisi.

⁵ Mɪ mɪiyɪm pris inkam ɪma mɪriiyɪm, omaka Adi Komii siir inɪg ɪiir hainaniya saiir, ya aknainan hindara nɪsiimauuga dimɪn taeminɪm nɪnomor kou hiranɪm Adi Komii siirɪm sɪmiir. Mɪ biya ɪiya kingiɪn nwowa, Moses siya Adi Komii siir omaka hindara inɪ kaigrɪniɪu okwosasae mɪrii. Mɪ Adi Komii siya siirɪn hɪnɪna boɪnki, kɪra dimɪn taeminɪm kara boɪnmɪmauuɪm sɪmiirɪn sɪbgu tɪr. Kara nɪsiimauuwa, ɪiya kɪra mɪɪu hɪr nwowa saiir hɪriinan.

⁶ Mɪ taka ɪi aɪirarɪn, Krai siya inɪ prismi biyan inkam komiinan mɪriiyɪn mɪ inɪ ɪki mɪiyɪm biya prismi biyan inkam komiiyɪm sɪm mɪriiyɪm inɪ sɪmiir haiburɪm. Mɪ tɪ hɪriinan siyɪuɪn, ta kitɪbmii boɪn wɪna Adi Komii kɪmiir Wanɪn siya nɪmbingiya Krai siir kɪma wakaeyokna apam ya inɪ biya siya nɪmbingiya brougae wanwiyaekɪm sɪm wakaeyokna apam, inɪ saiir haibura ya tariigɪna ya inɪ ywowa. Dimusi rani, ta kitɪbmii boɪn wɪna kɪmiirɪn wɪ saeyar whɪnkinsiis haigɪniɪuiskii. Biyan nɪmbina kɪmiir brougae wanwiyaeyɪm sɪmiir ya kɪmiir bɪ sɪbgu whɪnkinsiis haigɪniɪuga. Nɪngaka.

⁷ Mɪ biyan nɪmbina saeya iikam ɪmiirɪn Adi Komii siir whwonkam ɪda dimɪn whɪrki kɪmbu karam nwokiswo mɪ Adi Komii siya wɪ yaeya kitɪbmii boɪn wɪn di swokɪ imbini. Nɪngaka.

⁸ Adi Komii siya bɪdi yɪnoknɪnkɪnɪn siyɪuɪn iikam ɪma tiranɪn. Mɪ siya hɪnɪna boɪnki,

Mhoɪiya kara kariir iikamɪm Isrel hiranɪm Judami

pugana saiirɪm wɪ yaeya kitɪbmii boɪn wɪn swoki ɪmbingii.

- 9 Mɪ kariir kitɪbmii boɪn wɪna ya wɪ biyan kitɪbmii boɪna kimiir brougae ɪmiir ɪiya kara simiirsi naingwoyɪmyoka, ɪiya sima nu Isib hir nwowa mɪ simiirin ha kiyainaniyɪn saiir hɪriinan tani. Nɪngaka. Kara kimiirin wɪ biya kara kitɪbmii boɪna wɪ saiir hɪriinan swoki kitɪbmii boɪn tani. Nɪngaka. Dimusi rani, kimiir brougaeɪm sima bi sibgu apkɪm. Mɪ kara kimiir brougaeɪm simiirin ti hɪriinan siyɪuɪn digumii siirsi haimriiyɪugɪn.
- 10 Mhoɪiya ɪiya ta biyan kitɪbmii boɪna saeya kigirkakɪm digworaekwo whiekakɪm sima digana, saeya digii mɪ kara Biyan Inkam Komiiyɪn Isrel kimiir iikamɪm wɪ yaeya siyɪu boɪnki, kɪma napamɪn. Mɪ tariigɪna kara wɪ kimiir kwoɪnki kwoɪn ɪiirar kinɪrkai haigɪnɪugii. Mɪ kɪma wɪ wakaeyoknam nwoki aingwowɪm. Mɪ an kara wɪ kimiir Adi Komii nwoki owɪm mɪ wɪm kɪma wɪ kariir iikam nwoki owɪm.
- 11 Mɪ mhoɪiya ta ɪi aairɪn iikam whiekakɪm sima kariirin wa ninoknɪnkɪni. Yɪpiki inigakɪm mɪ yɪpiki inig karamaeyɪm sima kariirin wa ninoknɪnkɪni. Mɪ ta ɪi aairɪn iikamɪm sima wɪ simiir nu whɪruwan iikamɪm simiirin wɪ hinɪna boɪn tani, Kɪma Biyan Inkam Komii siir dinoknɪnkɪn. Nɪngaka.
- 12 Mɪ kara wɪ simiirsi naingwo bumbuwi mɪ simiir dimɪn biyɪeyɪm sima tirɪm wɪ kara haiyoprimdiyɪumiigi. Mɪ kara simiir dimɪn

biyeyim wi simiir swoki aingwo rani.
Ningaka.

¹³ Mi biyan nimbina biya Adi Komii siya Moses siir nimbingiya ya ini biye ywokiya. Whisarii rani, siya krimiir ha boinkin, siya wi yaeya kitibmii boin win swoki imbingi. Krima bidi yinokninkinim ta biyan nimbina ya wi sapi namki, yuis kaba inkamkin kabitkaigiya saiir hiriinan. Iriig.

9

Biya prismi biyan inkam komiiyim wraisu nhie arar ninkin imiiaekim Adi Komii siirin.

¹ Mi biyarin Adi Komii krimiir Wanin siya siir bigibiyan nimbina krimiir brougae wan-wiyaeyim Isrel simiir iikamim simiir nimbingikin. Mi siya simiirin siyu Adi Komii siir inig iir hainaniyim siir boinmauu wakaekin. Mi siya kam imiirin siyuuin omaka Adi Komii siir yaimin dimin nidwokai wakaeya saiir miriini siyuuin siir warar mi boinmimauu iripa sima nidwo wakaeyam.

² Mi sima sel omaka ira mirii mi ta omaka saiirin bopwoniya hugripkiigi haimii haimiyo whisa ywo. Mi ti haimiyyin huuyokiyokaikikaiyin anokar nwowinin, yio ha dapikin, dimin whirki kimbu karamae. Mi dimininim pae haingimuhaiginiiyim mi bretim Adi Komii siir ninkin imiiaeyim yim ini ta maeyaua huuyokiyokaiya ini saiirar nwokaiyim.

³ Mi sima yuis kwira maeyau kwira huuyokiyokaiya haimii whira nwowin siir ano iir yitmwaniu. Mi ta maeyau ya Adi Komii siirgisiirga, siya nwowika. Mi ta maeyaua huuyokiyokaiya saiirin inkam nwirki bi swoki

amiminika. Nɛngakinɛngaka. Mi sima ta maeyauua saiirin ha dapikim, dimin whirki bi kimbu miminka.

⁴ Mi dimin nhirim ini ta maeyaua hɛuyokiyokaiya saiir hir nwokaiyim. Hɛiya golni tira aka mi ta hɛiya saiir idwo hirin haua wain piuii miyikakin siir op aiir naokin haingimugiiya, piuii miyik nɛusiin whakim ini hir nwokaiyim. Mi miya kwira paeni sima nirimtioninkin miriyya saiir idwowin sima golni miriigikim mi ya ini hir warar mi inkɛn okaiya. Mi ta miya sima saiirin ha dapikim, nɛmbin tɛbmiini miyaka. Mi ta miya saiir yainau hirin mobmir kwira golni sima nonkwokwowa ini hir warar nɛnkin okaiya. Mi ta mobmira saiir yainau hirin, naeyim Adi Komii siya hauuwim iya sima nu siiyin apain siir hir nwowa ini hir nwokaiyim. Mi paekopin biya Eronki si hogwokwo apin, siirin Adi Komii siya tirikikin, yio ini nhwokakar mi okaiyin ta miya aiirin. Mi siya nhiswo Adi Komii siya winkiyo kitɛbmii boin yayim sim yo ini hirar mi inkɛn okaiyo.

⁵ Mi ta miya saiir idwowin sima Adi Komii siir paekwosimwo nwisa yonkwokwo haigin hinda nɛsiimauuwam. Mi sima ti paekwosimo sowiir kigo mi sima boin, Adi Komii siir dimin miyik miyikim paenan nɛuyaeiyim ini tir nwowim. Mi ti paekwosim nwiswo hinda nɛsiimauugo sowa pidgakako. Mi ta maeyaua iikami dimin biye haiyoprindiyumiiya ini sowiir pidga owar yirinugiya mi ti diminim simiir dimin mwokimwowin, kara pi kimiir boinmauu rani. Nɛngaka.

⁶ Mi mhoiia sɪma digworaekwowaɪm dirɪraerar digɪm mi pris inkamɪm, sɪma ta maeyaua hɪuyokiyokaiya anoka kingiin nwowa saiirin bi siiskɪm dimɪn taeminɪm Adi Komii siir nɪnkɪn imiiaeyɪm.

⁷ Mi biewi biewiyɪm, prismi biyan inkamɪn siya ta maeyauwa hɪuyokiyokaiya dimɪn whɪrki kimbu karam nwowa saiirin ii kwɪruwar namikɪn. Siya whɪsarii bi namikɪn, siya meme bulmakau ini nhɛyɪm, pi simiir hainami Adi Komii siir nɪnkɪn imiiaeyam iikamɪm hinda whaowaeya prɪdirɪraerarɪm simiir dimɪn biyɛ imiir haiy-oprimdiyɪumiigiyam.

⁸ Mi Moses siir yayɪm iikam krɪmiirin ta maeyauwa Adi Komii siya nwowiya, saiir kɪgnɪnkɪn apɪnɪnɔpkaiyam bi boɪnkɪn. Mi ti hɪriinan siyɪuɪn, Adi Komii siir naeyɪuɪn yɪo krɪmiir nɪsiimauugin, iikamɪm Moses siir yai aair wakaeyoknaɪm sɪma wɪ Adi Komii siiram swoki haiyɪug naɪngwo rani, ɪripa saɪkar nongwomamaɪr aeyam. Nɪngaka.

⁹ Mi ta Moses siir yayiia ha boina iikamɪm, Adi Komii siirgɪsiir maeyauwa hɪuyokiyokaiya dimɪn whɪrminwhɪrminki kimbu karam nwowa saiir kipi napɪnɔpkainam. Ya aknaɪni haniin hɪndara nɪsiimauuga krɪmiir. Mi ta iia pris inkam ima nɪnkɪn imiiaeya, Adi Komii siir ya iikamɪm simiir kwoinɪm rɪrmiiya simiir bi nwowaigɪniuga. Nɪngaka.

¹⁰ Mi yɪm ti yayɪm yɪm krɪmiir kɪnsiis haigɪniuwankɪm, naeyɪm yɪm naeyankɪm mi opa ya kwiyaeyanka mi siyɪuɪn op whauɪ ikɪn mi krɪma ti siyɪu imiir sibgu api mi Adi Komii siya

wi ha boini, křimiir piim, yim piu wadiekim, siyu komii siya boinkiya saiir hiriinan. Mi ti digworaekwowim simiir yaiyim yim křimiir kigriraowankim. Tariinanar tir bwakainakiyin mi wi iya Adi Komii siya digworaekwo whiekakim simiir kigrirkakana wadiekwadie nwowi, wi saiirar nadiguwi.

11 Mi Krais siya křimiiramın prismi inkam komiinan nitkin siir dimın taemın miyik miyikim simiirın křimiir hauuwam. Mi tariigina ya křimiir bidi yimbiniya mi siya prismi miya bidi mriigikin. Mi siya ini Adi Komii siir oma hiriir yapnınopkainamın. Ya ini sel omaka biyan kamım sima tira ini saiir haibura. Mi ti Adi Komii siir om winın siirın inkamki bi tirkin, yo nuan dimınki waeyao. Yo Adi Komii siirgisir omın ninomor hiranın siirgin.

12 Mi iya Krais siya naonama siya ini Adi Komii siirgisir maeyaua dimın whırmın whırmınkin kimbu karamae nwowa Adi Komii siyar nwowiya ini saiirar yapnınopkainamın. Mi siya wraisu nhie bi hainamkin prismi hının, siir nınkin imiiaeyam. Nıngaka. Siya siir nhieya nua naokiinainama saiirar hainınopkainamkin ta maeyaua Adi Komii siyar nwowiya dimın whırki kimbu karam nwowiya saiir hiriirın. Mi Adi Komii siirın saiirar ini hauuwıu mi siya kwıruwar napnınopkainamın, siir nhie aiir nınkin imiiaeyam, ini saeyar digi iskiya. Mi siya wi mhıiia idıp idıp swoki tir tani. Nıngaka. Siya ti siyu hiriinanın mınam tirkin křimiir whınkinsiis haiginıuwım mi křimiir nanmaiwarkainam. Mi křima wi omwai saıkar

nwoki waiyayokiyokikaeyamim inokinokin.

13 Mi meme bulmakau ini nheyim krimiirin wi panina whinkinsiisi, ha? Saeya krimiirin wi ti hinina whinkinsiisi. Mi ikam nhirim diminim Adi Komii siya boinim, hinin kipi naingwo, sima simiir nonkwowi mi Adi Komii siya simiirin wi ha boini, simiir pua miyik rani. Dimusi rani, sima ti diminin Adi Komii siya boinin, hinin kipi nonkwo, siir bidi yonkwowim. Mi siir pua biye pi hiriyyar nwowinaka mipi pris siyar hainiyop nami meme bulmakau ini nheyim pi whrin min aka ninkin hainiyopnami. Mi mhoiya Adi Komii siir yaiya pa swoki boinkii, sima ini wadiyar swoki okiyim, ti diminim simiir pua wadie sima bidi ywohaiginugiyim. Mi meme, bulmakauni nhieya ya idan pua wadie saiirarar nwows aiginuwi. Mi Kraisiya, Biyan Inkam Komiiyin, yo ini meme bulmakau sowiir haiburin.

14 Mi siir nhieya ini meme, bulmakaumi nhieya mi simiir whrin ima, ini simiir haibura. Mi mi bibiyeyim naekak nwokaram nwowiyim mi dimin bibiyeyim iikami kwoinawu nwokaiiyim simiirin saeya bidi haiyoprimdiyumiigiyim. Mi Adi Komii siir naeyuin siirin siyar whindiriraerarkin, yipikin dimin biye whir karamaeyin, siir nhieya saiir ninkin imiiaekin Adi Komii siirin. Mi siir nhieya ikam krimiir whinkinsiis haiginuwim mi krimiir dimin biyeyim simiir haiyoprimdiyumiigiyim wi digar nwowi. Mi krima Adi Komii siir yai aiir wakaeyokna apim wi digar nwowi, yipikin omwai waiyayokiyokiiyin inokinok. Dimusi rani, siyu whir karamaeka hiriinan tirim.

15 Jisis siya'irgin iikamim nuanim mi Adi Komii siya, krimiirar kaoprigi irkakiyin ta kitibmii boin wina krimiiram nita iikamim wakaeyokna apim saiir kirie haiginuwam. Mi nim krima iikamim Adi Komii siya nimbiniim siir iikam nwowam, krima wi omwaiya waiyayokiyokiii, saikar iinokiiinokin. Mi wi dimin kibi kibiyim biya Adi Komii siya nimbiniim wi simiir haii. Dimusi rani, siya Jisis bidi yaowin. Jisis siya'irgin iikam krima mi Adi Komii siya krimiirar kaoprigi irkakiyin ta kitibmii boin wina saiir kirie haiginuwam. Ya mhoiia nitka iikamim sima wakaeyokna apam. Siya iikamim simiirsi naokin simiir dimin biyeyim sima tirim simiir haiyoprimdiyumiigiyam iya sima biyan kitibmii boin aiir napim. Mi sima wi saika nwoyokiyokikaeyami, iinokiiinokin.

16 Mi iya inkamin omwaiyar niki waiyaeyin, siya yinisimim simiir inigim pa wini yokwoni mi dimin taeminim sima mi haiyanim yim iriipi hiriinan pa mi wini. Mi siir mhoiia iya siya naonama siir yinim pi yokwo aiira kigmak hid haii. Sima pi hindara prihai prihai rani. Ningaka.

17 Mi inkamin omwaiyar niki waiyaeyin mi ta yokwowa siya wina, siir dimin taemin imiir, ya ini hiriayar niki owa. Mi mhoiia iya siya naonami, siya pi haini winmimauugigi digworaekwowim siir yin ima haiyanim.

18 Adi Komii siya biyan kitibmii boina saiirin wraisuim sima nisomsom aowim mi simiir nhieyim ha naokiinainamim simiirsi kirie haiginugin. Mi nhieyim iikam imiirin wi simar

nwowaigini uwi dimin taeminim Adi Komii siya nimbiniim simiir haiyam in.

19 Mi Adi Komii siya siyi u komiiyin Moses siir hauuw in mi Moses in yi o kimidiniya Isrel simiir iikam imiir hauu. Mi ta iya siya bulmakau haomin siir nhieya opaka yinkin aokaigi twonau. Mi siya paeyakwiyam ha mi hai mi sibsibni pio pariidnanim, ha mi haiyin mi siya ti sibsibni piowim ti paeyakwiyam simakar yin udgi. Mi siya kimidiniyan haunarin op nhieki nwomaiyin siir hopmaigi. Mi kimidiniya Yokwo Komiiya Adi siir yaigi nwowa Moses siir hauugiya saiir iyairpasoknam. Mi siya iikamim simiir piuim simiir warar yinkin iyairpasoknam.

20 Mi iya Moses siya yokwo aeya mi iikam ima simiirin ha niyairpasoknam in mi siya simiirin hiniina boinki, ti wraisuim simiir nhieyim ti kara niyairpasoknamim, yim ta biyan kitibmii boina saiir kirie haiginiuga, kima Adi Komii siir yai imiir wakaeyokna apim. Mi kima wi yayim Adi Komii siya boinkiyim biya, kima wakaeyokna apam wi simiir wakaeyokna ap.

21 Mi Moses siya Adi Komii siir sel omaka saiirin iriipi hiriinanar mi iyairpasoknam. Mi digworaekwo whiekakim saiir hir nwokaiyim, iikamim sima iripa haingiriyi u idwokaiyi uwiyim, iya sima Adi Komii siir inig iir hainaniyim mi ha diriraerariyim, simiirin warar mi inkin iyairpasoknam.

22 Mi ta yaiya Moses siya winkiya Yokwo Komii saiir, saeya hiniina boinkika, mi kira ti digworaekwowim simiirin hiriinan niyairpasoknami wraisu nhieni, sima wi dimin whirki kimbu rani.

Niingaka. Mi kira nhie simiir niyairpasoknam karam nwowi, saeya boina saiir hiriinan Adi Komii siya wi simiir dimin biyieyim wi haiyoprimdiyumiigi rani. Niingaka. Iriig.

Krais siya naeni hanin siir piu aiirar ninkin imiiaekin Adi Komii siirin, krimiir dimin biyieyim simiir haiyoprimdiyumiigiyam.

²³ Mi ti miyim mi ti nuan digworaekwowim krīma tiriyim yim hindarar nisiimauugim iki dimin kīngikīnim ninomor kou hir nwowim simiir. Moses siya digworaekwo imiirin wraisu nhieni minam niyairpasoknamkim, sima whauriyina nwowam. Mi ta nhie hiriinana iki dimin miyik miyikim Adi Komii siir om hir nwowim simiirin wi whauriyinan saeya nwowaiginu rani. Niingaka. Jisis siir nhieya sasairga whauriyinan iikam imiir nwowhaiginuwi. Mi ta hiriinan saiir-sika sima wi Adi Komii siir om iir asi nami.

²⁴ Mi Krais siya Adi Komii siir maeyaua huyokiyokaiya, dimin whirki kimbu karamae nwowa omaka inkamkar nonkwo miriia nu tirana, saiir omaka yainau nwokaiyin siir bi napninopkainamkin. Niingaka. Siya Adi Komii siirgisiir om iirar namigusamkin. Mi siya ini Adi Komii siir whwonkam ida nidwowin, siir ina inig miya mi siya ini nhwo krimiiramar kwis boinin.

²⁵ Mi biewi biewiyim prismi bigibiyan iikamim sima Adi Komii siir maeyaua huyokiyokaiya dimin whirminwhirminki kimbu karam nwowa saiirin ii kwokwirar napninopkainamikin wraisu nhie Adi Komii siir ninkin imiiaeyamin. Mi yo Krais siya ta maeyau aiirin idip idip bi napninopkainamkin siir nhie aiir ninkin

imiiyaeyamın Adi Komii siirın iikamım simiir dimın biyeyim simiir haiyoprimdiyümüigiyamın. Nningaka. Siya kwirkikwiruwar namkin siir nhie aair nınkin imiiyaeyamın Adi Komii siirın.

²⁶ Mi Jisis siya hiriinan tirkiswo mi siya paeyin hiiniya nironınkinin siirın wı ii kasakasa di naowi. Fiya Adi Komii siya nu siirar nonkwokwokiyn mi ha nityokiyokigiswo mi wı tariinar pi yadigniyın. Mi Krais siya nu tiriir nitin, siya ii kwirkikwiruwar nauuni aonikın nu tirin ini sasair ywowiskiya. Mi fiya dig kingiin nwowa, Jisis siya ha nitin mi siya paeyin hiiniya nironınkinin siirın ii kwirkikwiruwar nauuni aoniyın mi siir nhieya ha naokiinaiiniya mi siya sairar yınkin imiyyae Adi Komii siirın, iikamım simiir nanmai-warkainam simiir dimın biyie imiirsi mi sima Adi Komii siir whwonkam idain wı dimın whirki kimbu karam nwoki owim.

²⁷ Iikam whiekakim sima wa naowi mi mhoiyya sima Adi Komii siir kigi, simiirın wı siyar hidi.

²⁸ Mi hiriinan siyuin Krais siya ii kwiruwar nao iskikın Adi Komii siirın siyar swoki inkın imiyyaenam. Siya siir nhieya iikamım simiir dimın biyie biyeyim simiir haiyoprimdiyümüigiyam nınkin imiyyaekin. Mi mhoiyya siya swoki iti, siya wı iikamım simiir dimın biyeyim simiir haiyoprimdiyümüigiyam nit rani. Nningaka. Siya iikam yipikim siiram wakaeyokna aingwo tibmiyyim mi fiya siya nitana sairam nwokwokinim wı simiir nanmai-warkainami sima siir om hiriir namam. Iriig.

Biiyan naeyim sima ninkin imiyyaeya, ya dimin biyeyim simiir bi haiyoprimdiyumuigikim.

¹ Mi siyiu komiiyin biya Adi Komii siya hauugiyin. Mosesni, yio diminkidiminim mhoiyya nimbiamanin krimiir, aknainan simiir niisiimauugin. Mi biewi biewiyim, pris inkamim sima hirihiirinan naeyim simiir simiirar ninkin imiyyaenanae; Adi Komii siirin iikamim simiir dimin biye imiirsiiyin. Mi siyiu komiiyin Adi Komii siya hauugiyin Moses siir siya wi dig nwo rani, iikamim yipikim Adi Komii siiram nitim simiirin dimin whirki kimbu karam nwowim. Niingaka.

² Mi ti digworaekwowim Adi Komii siir sima ninkin imiyyaeyim iikamim yipikim Adi Komii siir inig iir hainaniyim simiir dimin biyeyim simiir kwoinaw nwo kaiyim simiir digikiswo mi sima wi yaeya nae di swoki inkin imiyyaei Adi Komii siirin simiir dimin biyeyim simiir kwoinaw nwo kaiyim simiir digiyamin. Niingaka. Dimusi rani, simiirin wi dimin biyekak diyowwi.

³ Mi iyya sima hirihiirinanar ninkin imiyyaenanaeyim biewi biewiyim mi iikamim pa swoki aingwokii, dimin biyeyim sima tir imiiramim.

⁴ Sima ti hiriinan siyiuin ii kasa kasa bi tirkim. Dimusi rani, Adi Komii siya bidi yinokninkinin bulmakau meme ini nhieyim, iikamim simiir dimin biyeyim wi saeya digi rani. Niingaka.

⁵ Mi iyya Krai siya nitam naingwowa siya Adi Komii siirin hinina boinki,
Kira iki siyiuin iikamim wraisu sima nisomsom
inkin imiyyaeyin kiriir siiramim kira

mairgimairga nwo rani. Mi kariirin kira pugak hiriinansi nwo waiginiugin.

6 Mi kira wraisuim kiriir hai aiir haigin anagiyim mi dimin taeminim sima ninkin imiiaeyim kiriir, simiir dimin biyieyim sima tirim simiir digiyam, kira simiiramın mairgimairga bi nwokim.

7 Kara Kraiskin, kara kimiirin pi hinina boini, Adi Komii, kira kariir kigi, kara tisi tapi nwowin. Kara digworaekwo whiekakim kira naingwowim simiir tiram tiri, biya sima winboinkiya kariirin kiriir Yokwo Komii aiir saiir hiriinan.

8 Krais siya biya hinina boinkin, kira ini yimiyuwın iki diminpai diminpaियim, inkamki ninkin imiiaeyim kiriir simiirin. Mi kira wraisuim kiriir hai aiir haigin anagim kiriir ninkin imiiaeyam iikamim simiir kwoinawokaiyim dimin biyieyim simiir digiyam, yim ini mi imiyuwim Krais siya ti simiirin hinina boinkikin. Mi yio siyu komiियin Moses siya winkiyin Yokwo Komiini yio ha boinkikin hiriyar tir.

9 Mi mhoiya siya ti yai imiir boinkiyin mi mhoiya siya Adi Komii siirin hinina boinki, Adi Komii kira kariir kigi, kara tisi tir nwowin. Kara digworaekwo whiekakim kira naingwowim kara tiram, kara simiirin wa tiri. Mi yim ti yai hiriinanım yim krimiir boinmauw wakaekim. Biyan siyuin nae iikamkim sim ninkin imiiaeyin Adi Komii siir, yio Krais siya bidi digiyin. Mi simiir igsopa ini siyar yokwokairinanaowidin.

10 Jisis Kraisi siya dimin taeminim Adi Komii siya naingwowim siya tiram siya simiir wakaeyokna tirkin. Mi siya kwirkikwiruwar naokin siir pua sair ninkin imiiaeyam Adi Komii siirin. Mi siya iikamim siir siyu iir napim, simiir dimin biyeyim, wi simiir nwoki digiyim. Mi sima Adi Komii siir whwonkam idain wi dimin whirki kimbu kamae nwoki owim.

11 Mi pris inkamim sima mi Adi Komii siir omaka aair nokwo miriayim mi nonkwo inkin imiiaeikim Adi Komii siirin, sima inokinokin hiri hiriayar tirikim. Mi ya tariigina iikam krima tirim dimin biyeyim simiir haiyoprimdiyumiigiyim wi dig nwo rani. Ningaka.

12 Mi yo Kraisin yo siyar ninkin imiiaekin mi ta sairin kwiruwar tirikin. Mi iikamim simiir dimin biyeyim ini saeyar haiyoprimdiyumiigiyim. Mi ta i kwiruwa siyar tirkiya, inokinokin wi saeyar nwoyokiyokii. Mi ta sair mhoiya siya ha nini idwougin Adi Komii siir ina iniig miyan. Dimusi rani, siya Adi Komii siir hiriinan inkam komiigin. Digworaekwo whiekakim, siyar kigirkakikin.

13 Mi siya ini Adi Komii saika hirar nidwo kaoraraowin iya siir sau omomin Adi Komii siya hainururninkin haiginugii.

14 Krima bidi yinokninkinim, Jisis siya kwirkikwiruwar naokin siir pu airin Adi Komii siir ninkinimiiaeyamin. Mi siya iikamim yipikim Adi Komii siya haiyopriimdiyumiigiyim simiir dimin biyeyim, simiirin dimin whirki kimbu kamaeyin siya nwowaiginugin.

15 Mi Adi Komii siir naeyiuin krimiirin ti hiriinan dimin iirar mi boinkin. Mi biya siya hinina boinkin,

16 Biyan Inkam Komii siya hinina boinkin mi iki iiyim mhoiya nitim kariir kitibmii boina wi iikamim simiir hauuwi. Mi ti kariir siyu komiiyin wi simiir kwoinkwoin imiirar kinirkai haiginuwi. Mi sima wi saiir saiira nwoki aingwokwonanaeyim.

17 Mi siya yai nhirim ina swoki boinkiyim, siya hinina boinki mi kara dimin biyeyim simiir kwoinau nwokaiyim, wi simiir swoki aingwokwomimin tani mi siyu biyeyin, sima tiri ikin. Ningakaingaka.

18 Krimiir dimin biyeyim Adi Komii krimiir Wanin siya bidi haiyopriimdiyumiigiyim. Mi iikamim Adi Komii siiramin wi swoki inkinimiyaemimin tani. Ningaka. Yo hiriinan siyuin yo bidi digiyin. Iriig.

Krima Adi Komii siiram daingwo tibmii kin mi saika damasukikin.

19 Mi ti kariir akamim, krima Adi Komii siirgisiir maeyaua siya nwowiya dimin whirmin whirminki kimbu karam nwowa saiirin wa napninopkai nami. Dimusi rani, Jisis siya paeyin hiniya nironinkinin siir naowin mi siir nhieya ha naokiinainiya mi krimiir dimin biyey biyeyim ini saeyar yinakiyim. Mi ta hiriinana saiirsika iya krima nhwo kwisboinkii mi krima hiriirin wa napninopkainami.

20 Mi ta siya naonama, siya minam naonamkin krima Adi Komii saika nwoki boinaiyim. Mi ya tariigina ya hininga ta yuisni hanin bopwoniya

siya nini kiwarkiya krɪma napninopkainamim maeyaua Adi Komii siya nidwokaiiya dimin whirki kimbu karamae nwowa krɪma namsi saiir nitimwanuwa ya ini siir piu aeyar niyoknamnan ywowa.

²¹ Mi krɪmiir biigibiyan, prisin, siya ini omwaiyar swoki waiyan. Mi siyairgin, digworaekwo whiekakim, Adi Komii siir om hir nwowim. Mi iikamim siiram naingwo tibmii kinim mi siir yinisim nwowim simiir kigirkakanin.

²² Jisis siya siir nhie ailar niyairpasoknamkin iikamim krɪmiir kwoinawu nwokaiyim dimin biyeyim simiir haiyopriimdiyumuigiyim mi krɪmiir kwoinim rirmiya nwokiyim. Mi siya krɪmiirin op miyikimiyik ailar baptais haiginugin. Mi ta hiriinana saiirsika krɪmiir piuim whauriyina asi nwokim. Mi tariinanin krɪma Adi Komii siir kingiinin wa nwoki amim. Dimusi rani, ti hiriinan diminim Jisis Kraisi siyar tirkin. Mi krɪma kwoin biyeyim krɪmiir kwoinawu nwokaiyim niksisaeyim simiirin wa asi nuguskii. Mi krɪma Adi Komii siimamar dinmiininkin, ta krɪma tira saiir hiriinan. Mi krɪma kwoin whirua saikar dwo.

²³ Krɪma digworaekwowim krɪma naingwo tibmiyim simiiramin sibgu wakaeyokna ap. Krɪma simiirin digumii kipi haimriiyu. Dimusi rani, krɪma bidi yinokninkinim digworaekwo whiekakim biya Adi Komii siya nimbini siya simiirin wa tiri.

²⁴ Krɪma, krɪmiir iikam nomiyauwim naingwo tibmii kinim simiiram daingwo. Mi krɪma irni nwirni dinan whinkinsiis ankinsiisna. Mi krɪma irni nwirniyamar timi aingwokwo. Mi irni

nwɔrniyɔn siyɔu miyikimiyik iirar timi tir.

²⁵ Mi krɔma siyɔuɔn iraka nwɔraka haɔngiriyɔu owiyɔn Adi Komii siir inig iir hainam siir kipi haibur. Nɔngaka. Iikam nhirim yim ti siyɔu hiriinanɔn siir bidi haiburgigim. Mi nim krɔma wi hiriinan kipi tir. Dimusi rani, iya Kraisiya swoki itana ini kingiɔn nwowa mi krɔma irni nwɔrni whɔnkɔnsiisamɔn miinan mirii.

²⁶ Mi krɔma ta Jisis Kraisiya naonama iikamim simiir dimɔn biyeyim simiir haiyoprimdiyumiigiyam, krɔma saiir yaimwokiyaimwo aiirɔn biidiyar iki wakaeyim. Mi krɔma siyɔu biyie krɔmiir kwoɔnkar swoki aingwo tiri mi Kraisi siirɔn digumii ha haimriyugigi mi yaeya inkam nwɔr karamaeka, siir nhieya saeya simiir niyaɔpasoknamim Adi Komii siir nɔnkɔn imiiaeyam, krɔmiir dimɔn biyeyim simiir haiyoprimdiyumiigiyam. Siyɔu whɔr karamaeka. Nɔngakinɔngaka. Sima wi hiriyyar nwowi.

²⁷ Mi krɔma ta yaimwo aiirɔn hindara nimiiyɔu iugusami mi mhoiia krɔma wa nɔdidi Adi Komii siya boɔnwokiyopnatkaigisiyɔn mi siya nɔtnoudnankaigiisiyɔn paeya. Mi krɔmiirɔn wi maeyauwa iikamim, sim nɔurimtiokaigiia wi saiir hiriir kabɔtnouwidnankaigii. Mi simiirɔn wi hiriyyar nɔurimtiokaeyami inokɔinokɔn.

²⁸ Krɔma bidi yɔnoknɔnkɔnim nwɔs nwoimgi kigii, inkam nwɔrɔn Moses siir siyɔu iir nap karam nwowi mi Isrel simiir iikamim, simiir biayanim sima siirɔn wi donkwo. Mi siirɔn wa dipɔmpar aoki. Mi sima wi siirsi kipi haigwo.

²⁹ Mi kɔma panina naingwowi iya iikamim sima Adi Komii siir yɔnisimɔn digumii siir haim-

riiyugigi mi Adi Komii siya simiirin wi panina tiri, ha? Siya simiirin wi hik prasae prasae hau rani, wi hindara nonkwobumbuninkin uguskii. Mi ti simiir siyiuin Adi Komii siir yinisimin digumii siir haimriiyuin yi sima hinina boini, ta Jisis siya naonama paeyin hiiniya nironinkinin si mi siir nhieya ha naokiinaiiniya ta kitbmii boin aiir kirie haiginuwam mi sima ha boinkim ya tariigina ya dimin komii rani. Mi sima siyiu kibiyin Adi Komii siir naeyiu ieya tirin krimiir siirin ini hindara yitkinisugiyin. Mi ti siyiu hariinanin sima tirin yio miyikimiyik rani, ini biyieki biyie ywowin. Mi Adi Komii siya simiirin wi hik asi hauuwi. Mi simiirin wi asi nonkwobumbuninkin uguskii. Mi Jisis siya naonama mi siir nhieya ha naokiinaiiniya, siya hinina boinkin, kima ta saiir wakaeyokna ap. Mi Jisis siir nhieya krimiirin saeyar whinkinsiis haiginugin mi krimiir dimin bibiyeyim saeyar haiyoprimdiyumiigikim. Mi krima dimin whirki kumbu karamae asi nwokim.

³⁰ Krima bidi yinokninkinim yaiya Adi Komii siya boina ya hininga, kara iikamim siyiu biyie kariir tiriyim simiirin wi yamdiyar swoki tiri. Mi yai gwira siya mi boina ya hininga, Biyan Inkam Komii kara kariir iikamim simiirin wi kara hidi dimin taeminim sima tiriyim simiirsi.

³¹ Mi Adi Komiiyin, yipikin omwai waiyayokiyokiyin, siya wi iikamim siyiu biyie siir tirim wi simiir hidi. Mi ti dimin hariinanin wi dig siya nwo haiginu rani. Nungaka. Mi yio hariinan diminin, simiirin wi nidid prasae prasae nwo rani.

³² Kima dimin taeminim biigi bi kimar

wakaeyim Kraisiir mi ha wakaeyokna naingwo tibmii kinim, simiiram ti swoki haiyug naingwo. Mi kima naingwo tibmii kana sair mhoiya dimin biye kasa rani, kimiir naingwo tibmii aiir tirbuwanim. Mi yim ti hiriinan dimin biyeyim sima wi kimiir nikwowaisii rani. Nningaka.

³³ Mi ii nhirim iikam nhirim pi kimiirar mi igbumbuwi. Mi siyu biye pi kimiirar mi tiri iikamim simiir whwonkam idain. Mipi kimiira mi iewaiyuwi. Mi ii nhirim kima bidiyar mi kigim iikam nhirim iki iikam miyikim simiir tirim siyu biye. Mi wim kima simiir whinwo, kirie sima nwowam.

³⁴ Mi kima iki iikam miyik miyikim iki iikam biyeyim omaka huyokiyokaiya, sima huyupkiikaiyim simiirsiiyin naingwoyimyok prasae bi kinkim. Mi kima iikamim kimiir dimin imiir tauae haiyim io bi nwokim. Nningaka. Mi ti digworaekwowim ini simiirar mi kigninkin haigiyim. Dimusi rani, kima bidi yinokninkinim, Adi Komii siya kimiiramim dimin miyik miyik imiirar haiginin mhoiya kima haiyamin. Mi ti digworaekwowim ini ti digworaekwowim sima tauae hainamim kimiir waraurankin ini simiir haiburim. Mi yim ti digworaekwowim wi hiriayar nwoyokiyokikaeyami.

³⁵ Biya kima kiriyar nwokim mi Adi Komii siir siyu iirar sibgu apkim. Mi kima wi kipi nidad dimin biyeeki kimiir tirbuwam tiri. Kima bidi yinokninkinim mhoiya Adi Komii siya wi siir dimin kibiki kibi iirar hauugi yipiki siiram sibgu wakaeyokna naingwo tibmii kinim simiir.

³⁶ Mi kima sibgu donkworinu mi Adi Komii

siir yai imiirarar wakaeyokna ap. Mi mhoiyya kima, digworaekwo whiekakim Adi Komii siya nimbngiyim simiir mrii digi mi siya kimiirin wi dimin miyiki miyikim siya nimbiniim yipiki siiram wakaeyokna aingwo tibmii kaniim wi simiiram hauugi.

³⁷ Kima kirie dwo. Dimusi rani, Adi Komii siir yaiya Kraisiir win boinkiya Yokwo Komii siya hinina boinkikin,

wi iimwan mwan rani, siyarin wa swoki kwiti. Siya wi ii hoimgak nwo rani.

³⁸ Iikam miyik miyikim yipiki kariiram naingwo tibmii kaniyim sima inok inokin wi omwai kanakar waiyayokiyokii. Mi kimiir nhirkim kariirin digumii haimriiyuwi mi kara wi maigimaiga kimiiram nwo rani. Nningaka.

³⁹ Krima iki iikamim digumii Adi Komii siir haimriiyuwiyim simiir hiriinan tani mi Adi Komii siya krimiirin wi ha nonkwobumbuninkin tani. Nningaka. Mi nim krima iikamim Adi Komii siir yai aair wakaeyokna apiyim krimiirin wi siya whinkinsiis haiginuwi mi wi siya nanmai-warkinaei. Iriig.

11

Siyuin krima naingwo tibmii kaniin siya.

¹ Naingwo tibmii kaniya hininga mi iyya krima diminim Adi Komii krimiir Wanin siya boinim, simiiram naingwo tibmii kani mhoiyya nimbiamanin mi krima hiriyyar naingwo tibmii kani, sima wa nimbiamin. Mi krima tikinim nitim simiiram asi nwowi. Krima simiir kig rani mi

krîma hirîiyar naingwowi, sima ina nwowim. Dimusi rani, Adi Komii siya bîdi boinkiyin, sima ina nwowim.

² Mi biya, brougae nhirim sima Adi Komii siiramar naingwo hiririu kingim mi siya big nasmirwaiya simiiram asi nwokin.

³ Krîma hirîiyar naingwo tibmii kini, digworaekwo whiekakim siya boinim, yim kaimwokinairgin. Krîma bîdi yinokninkinim, iya nu ninomor sowa nimbiyama Adi Komii siya hindara yai ara boinkin. Mi sowa ina yimbimbiyamwo. Digworaekwo whiekakim ti krîmar kigim yim Adi Komii siyar tirikikim mi ti digworaekwom, siya nonkwokwowim krîma bi kigim, siya panina namisi onkwokwokin.

⁴ Mi inkam nwirin, siir inigin Ebelkin, siya Adi Komii siiram naingwo tibmii kingin mi siya dimin taeminim Adi Komii siir asi ninkinimiiyaekim. Mi ti siya ninkinimiiyaeyim, yim ini siir yaowaeyin Ken siya ninkinimiiyaeyim ini simiir haiburim. Adi Komii siya hinina boinkikin, ti naeyim siya ninkinimiiyaeyim wadeki wadiekim. Mi Adi Komii siya siir boinki, siya dimin whirki bi kimbugin. Whisarii rani, siya siir siyu iir sibgu apkin, siya tira sair hiriinan. Mi bîdi bidiniyarin, Ebel siir naingwo tibmii kina ha nwowa mi siya ha naonamkin. Mi ti yayim Yokwo Komii saeya boinim dimin taeminim siya tirim simiir, yo krîmiir nisimaugim, piki hinin dimin ikin krîma tiriyim, Adi Komii siya maigimaigra krîmiir nwowanim.

⁵ Inok siya bi naonamkin. Dimusi rani, siya Adi Komii siiram naingwo tibmii kingin mi Adi siya

siirin siyamar asi nikiunamkin. Mi iikamim sima siiram ha hansirnanaeyim, sima siir bi swoki kigmiminkim. Nningaka. Dimusi rani, siirin Adi Komii siyar bidi yikiunamin. Mi Adi Komii siya siir yaiya sima winboinkiya Yokwo Komii saiir, saeya hinina boinkika. Mi iya siya siir niki ikunam karam niki owa, ninomor koua hariir mi dimin taeminim siya tirim, siirin maigimaigra simar nwowaiginugin siiramin.

⁶ Mi yipiki Adi Komii siiram naingwo tibmii kin karam nwowim mi dimin taeminim sima sibgu tiriyim, Adi Komii siya simiiramin, wi simiiram maigimaigra rani. Nningaka. Mi yipiki Adi Komii siiram naingwowin, siir siyu iir sibgu apim mi mhoiya siya dimin miyik miyikim wi ti iikamim, yipiki siir siyu iir sibgu apim wi simiir hauwi.

⁷ Mi bidi bidiniyarin ta ii aairin, iya Adi Komii siya Noa siir boinkiya mi siya siirin hinina boinkikin. Dimin biyie whirin wi sipi nimbiamyami mi ti diminin, yio opud naoki. Mi Noa siya ti digworaekwowim simiir bi niki kigim. Siya hindara naingwo tibmii kingin digworaekwowim Adi Komii siya boinin siir, sima wa nimbiamyami. Mi siya siyaiya ira yonkwokwo mi iya siya saiir nonkwokwo digiyin mi siyar kigi, opud naowo, nii okwonaniyo. Mi siya mi siir wigyin ima simaniiyin ina yapninopkainamim. Mi simaniiyin ini siyaiinau hirar ywokaiyim. Mi sima paninsi yaosi. Siya iikamim siyu bibiyie tirkaeyamim simiir nusiimauugin. Dimusi rani, siya siyairgin Adi Komii siir yaiya saiir wakaeyokna naingwo tibmii kinin. Mi yim sima. Nningaka. Mi Adi Komii siya ha boinkin, Noa siya inkam wadiekwadie

ieyargin. Dimusi rani, siya siirgisiir yai aiirar wakaeyoknakin.

⁸ Mi Ebrahim siya yaiya Adi Komii siya boinkiya siir, siya saiir wakaeyin mi siya hiriyyar yaingwo tibmii kɛnin, ta yaiya yai kaimwowainga. Mi siya siir om iir ha haiburgigin mi siya kimidiniya om whira yam. Omin Adi Komii siya siir hauuwanin siir. Mi omin Ebrahim siya namanin, siya bi ninokninkinkin. Siya Adi Komii siiram naingwo tibmii kɛngin mi siya asi namkin.

⁹ Ebrahim siya Adi Komii siir yai aiiram naingwo tibmii kɛngin. Mi siya ti omin Adi Komii siya boinin siir asi nakripki whinugin. Mi siya amir omaka saiirarar nitkin whinkin, inkamin nu op kamaeyin hindara priiyakiiririyin siir hiriinan. Mi Aisak siya mi siir yinisim ieya Jekop yoniyin iriipi amir omaka saiirarar mi itkin whinko, Ebrahim siir hiriinan. Mi yo sowa iriipi hiriinan wi ti hiriinan digworaekwowim Adi Komii siya nimbiniim Ebrahim siir, wi simiirar mi haii.

¹⁰ Mi Ebrahim siya amir omaka saiirarar whwonkaigin. Dimusi rani, siya Adi Komii siiram nwokin, omin siya mɛriikwokinin, siir namim. Mi tiki omin yo hiriyyar nwoyokiyokikaeyamikin bi digikin. Niingaka.

¹¹ Sera saeya bidi yaingwo tibmii kɛna. Mi saeya ta yaiya Adi Komii siya boina, saiir saiira naingwokwo nanaeka. Saeya waibiyie bidiyar ywowa mi ta saeya naingwo tibmii kɛna mi ta saeya naingwokwonanaeiya Adi Komii siya saiirin yinkak saiirsiyar nwowaiginugin. Siya hiriinan asi tirkin, saeya bidi yaingwo tibmii

kina, digworaekwo whiekakim siya nimbiniim biya sima wa nimbiam. Siya hinina boinkikin, kowiir yinneyim sima wi kasa kasa nwo rani.

¹² Mi ti inkamin siya waibiyie bidi ywowin. Mi siya wi yiniekak nwo rani. Ningaka. Mi siirin wi Adi Komii siyar tirkii mi siya wi yinisim yinkamiyinar nyioninkini. Mi mhoiya kiriir pugana wi kasa kasa nwo rani, sima wi yab-siiyanan nwowi mi wi nauunim ninomor kouanim sim hinin nwowi. Mi iikamim simiir mwainim wi dig nwo rani. Ningaki ningakinga.

¹³ Mi yim ti iikamim yim bidi yaonamim. Mi sima ina naingwo tibmii kinim, ti digworaekwowim Adi Komii siya nimbiniim siya tiram, simiiramim mi sima ti digworaekwowim Adi Komii siya boinim sima haiyam, sima simiir bi niki haigim. Mi ti digworaekwowim siya simiir hauuwam tirim, yim simiir nisisiimauugin. Mi sima maigimaigra komii ti simiiramar nwowi. Dimusi rani, sima bidi yinokninkinim tiriiginim siya wa tirkii simiiramim. Mi sima hinina boin, ti nuin, ti krima nwowin, yo krimiir nugi nu rani. Ningaka. Mi krima ti tir nwowim, ini inkamin nu op karamaeyin, hindara priiyakiririyin ini siir hiriinan nwowim.

¹⁴ Mi iikamim ti hiriinan yai boiniyim yim krimiir nisisiimauugim. Sima ina niki idwo kaoyokiyokiyim, nu maeyau miyikamin sima nwowamin.

¹⁵ Sima kwoin karamaekim, omin sima nhin haiburgigin siiram swoki amim. Ningaka. Mi sima siiram swoki nhinami, siir swokini waiyuam, sima wi swoki nhinkisaekimrae rani. Ningaka. Sima wi hirar nwokripkaii.

16 Mi siima ti omki omin ninomor kou hir nwowin, omin Adi Komii siya nwowin, siir siiramar naingwokwonanaeikin. Mi ti omin ninomor kou hir nwowin, siima hiriyyar naingwowi, ini ti omin nu tiranin ini siir haiburin. Mi siima ti omin ninomor kou hiranin siir siiramar naingwokwonanaei siir namim. Mi siima Adi Komii siirin hinina boinki, kira krimiir Adi Komiiyin. Mi Adi Komii siya ta yai aiirsiiyin bi nididgin. Ningaka. Mi Adi Komii siiram in minam naingwo tibmii kuni, siya om kibiyin simiiram bidi tirkwokin, siima nini owouwam.

17 Bidi bidinanin Adi Komii siya Ebrahim siir kinankugin. Mi siya Ebrahim siirin hinina boinki, wa kiriir yinisimin Aisakin siirin disomaoki mi wraisunan kariir winkin imiyyaeki. Mi Ebrahim siya ti yinisim nwiruwan Adi Komii siya niki imbinin siirin ini wraisunan siirar swoki inkin imiyyaekiyin Adi Komii siiram. Mi Ebrahim siya pi naingwo tibmii kungin mi siir kwoinin whirua ha nwokiyin mi siya hiriinan asi diriraerarkin siir yinisim iirin.

18 Biyya Adi Komii siya Ebrahim siirin hinina boinkin. Mhoiyya kiriir piugana komii nwowi mi kiriir piugankipiugan aiirin wa Aisak siir yinisimim simakisima nwo iski inigakin.

19 Ebrahim siir kwoinin whiruaargin, siya hinina naingwokin. Adi Komii siya siir yinisimin Aisak siirin wa swoki hidninsiin idwowi. Mi Ebrahim siya siir yinisim iirin ini Adi Komii siir yai aiirar wakaeyokna diriraerarin. Mi siya hiriinanar mi tirin, ini kaimwowar mi owin. Mi Adi Komii siya Aisak siirin ina swoki hauugiyin

siir adin Ebrahim siirar. Mi Aisak siya naoni haninaka, Adi Komii siya sibsibin ira hauukiiyugi mi Aisak siya bi naokin, ini ti sibsib ieya yao iskiyin.

²⁰ Aisak siir kwoinin whiruwar nwokin digworaekwowim Adi Komii siya nimbini sima wa nimbiam. Mi Aisak siya siir yinisim nwiso Jekop Iso soweramin ha nikiunain mi siya sowerin puai miyik miyikim ina yikumamauuwim, siir kwoinin hinina naingwo tibmii kingin ti digworaekwowim wa nimbiam.

²¹ Mi iripi hiriinan Jekop siya Adi Komii siirin naingwo tibmii kingin. Mi iya siya nao kingin nwowin mi siir puai miyik miyikim ina yikumamauugikin Josep siir yinisim yinkamiyin nwiso sower. Mi siya siir paekopin siir ha haiyin mi siya ina huugu okwokiya. Mi siya Adi Komii siirin ina yokboinmamaigiyin.

²² Mi Josep siya Adi Komii siiram naingwo tibmii kingin digworaekwowim Adi Komii siya nimbini sima wa nimbiam. Mi iya siya naonam kingin nwowin, siya siir yinisim imiirin hinina boinmimauugik. Mi mhoiya Adi Komii siya Isrel kimiir ikamim simiirin nu isib tiranki nikiunami mi ta ii aiirin sima kariir kumwo imiirin wi warar hainop hainam. Mi maeyaua sima nini owiwi mi wi hir ti swoki haingikaiyu.

²³ Mi Moses siir yopii ado sowawaiyin pi naingwo tibmii kingo, Adi Komii siiram. Mi siya sowerwaiyin wa whindiriraeri. Mi mhoiya yopiiya Moses siir naokainakiya mi sowawaiyar kigi yinisim yinkamiyin bimbuiwani. Mi sowawaiyin yaiya biya inkam komiiyin nu

kigriraowiyin Pero siya boina yinisim yinkamiyin naokainaei mi wi disomsom aokao, sowawaiyin saiirsi bi nididko mi sowawaiyin ti yinisim iirin bi nisomaokin. Niingaka. Mi sowawaiyin ti yinisim iirin bwanim whoima haigiprakai.

²⁴ Moses siya Adi Komii siiram naingwo tɪbmii kɪngin, siya hinina naingwokin Adi Komii siya wi saika nwowi. Mi siir iikamim Isrelanim simiirin wi siyar whinkinsiis haiginiuwu nu Isib hir haiburgigamin. Mi mhoiya siya komii namwo iuwun mi siya ini boriisopin sima siirin nu Isib hiran inkam komii nikuwim. Mi inkam komii Pero siir yinisim yinugiyina saiir yinisim nikuwim, yipika siir haigiyu imiiaeya.

²⁵ Mi Moses siya iikamim Isrelanim Adi Komii siir isidin simaka nwowamar tiri mi hik simaka nankin haiyama mini. Mi ta ii airin nu isib hiran iikamim sima hik prasae prasae bi hauugim mi siyu miyik bi mi tirkim, Isrel simiir iikam imiirin. Mi siya pi boriisopkin inkam komiinan nidwomamairim nu Isib hiran mi Adi Komii siirin digumii haimriiyugigim. Mi ti siyu bibiyie whiekakim yim ii priei maigimaigara rani. Niingaka. Yim simiirin ii haruwa saiirara maigimaigarki mi siya ti siyu biyie imiirin pi boriisopi.

²⁶ Mi siya hinina naingwokin, Krais siya niti mi digworaekwo miyik miyikim siya siir iikam imiirin wa hauuni. Mi siir kwoinin hinina naingwokin, siya siir iikamim Isrelanim simakar dinkin o. Mi siya Isib simiir iikam ima nigbumbuwa siir saiirsi bi naingwoyimyokin. Whisarii rani, siya hiriyar naingwo tɪbmii kɪni,

siya hik Kraisi siir inig iir mi haiyin, ini mi owin. Siir kwoinin ha naingwokin digworaekwo miyik miyikim Adi Komii siya siir hauwi, yim wi umir digworaekwowim nu Isib simiirim wi simiir haiburi.

²⁷ Moses siya Adi Komii siiram naingwo tibmii kingin. Inkam Komii Pero siya wi dig nwo rani, Adi Komii siirin. Mi siya asi haiburgin nu Isib siirin mi siya ina yamin, siya inkam komii Pero siya nwowa iowa siir siya sairsi bi nididgin. Mi Moses siya kwoin whisair bi nwokin siir kwoinin ini kirieya ywonamin, siya bidiya yinokninkinin Adi Komii siirin inkamki bi kigikin. Nningaka. Mi siir kwoinin hinina naingwo tibmii kingin, Adi Komii siya ini saika nwowin mi wi siirar whinkinsiisi.

²⁸ Adi Komii siya Moses siirin hinina boinki mi kira sibsib haomin ira hai mi siirin pa disomao mi siir nhieyim Isrel iikamim kimiir omaka ano migmig imiir srieyop. Mi mhoiia iya paekwosimin yinisim yinkamiyin yinaomiyinim sim nisomsom aowiyin Isib simiir yinisisim imiir siya niti mi siya nhieyim kimiir ano nwowim simiir kigi mi wi ti omakaim simiir iikamim kimiir yinisim imiirin wi wara nisomao rani. Mi Moses siya ta Adi Komii siir yai airam wakaeyokna naingwo tibmii kingin. Mi ta ii aiararin Moses siya ii komiia wou nikwo aeiya sairar nikwo ae bwakainakin.

²⁹ Mi Isrel simiir iikamim sima hiriyar naingwo tibmii kingim Adi Komii siiram, simiirin wi siyar whinkinsiis haiginuwi, iya sima ta whi komiia solwara sima dapiya retsi saeya ninkiyakiyim mi sima wa nwoki apnaidamim

mirmiiya. Ti haímii haímiiyo ninkiyakiyo sowiir bopwovar. Mi síma siyúin iikamkí napiyín opmín nokwo nñu karam nwowiyín siir híriinan napnaiidamkín. Mi síma wí ta sairsi nao rani. Níngaka. Mi mhoíya nu Isib híran kamím ha swokí síunamím símiir nisomsom aokaowam mi ta opa ha swokí inaparnananiya, símiirín ini saeyar kairíndípu aokaokiyím.

³⁰ Mi Isrel símiir iikamím síma híriiyar naíngwo tíbmii kíngím, Adi Komii siya símiirín wa whínkínsiis haigíníuwi, Jeriko símiir iikamím símiir haínurur haigíníuwím. Mi síma om Jeriko siirín íyím íriiyar kwísa yapyokiyokai. Mi mhoíya símiirín Adi Komii siya whínkínsiis haigíníu. Mi híra om komii íir nídyokiyokaiya omomsi ina nñimnhínkíi íuguskiya. Mi síma ina yínsiin ansiínínoop kainamím iikamím símiir nisomsom aokaowam.

³¹ Mi wíg íra Rehap níkiuwiya bíiya saeya híi nanaeyan wíg nwoka mi saeya híriiyar naíngwo tíbmii kínga, Isrel símiir iikam ímiirín wí Adi Komii siya whínkínsiisi mi síma Jeriko símiir iikam ímiirín wí yamdi kwíruwa síma símar haínurur haigíníuwi. Yíó tí om komíiyín, ta wíga saírar om komíigín. Mi Isrel símiir inkam nwíso tírnankaiyam nímprió amwo sowiirín saeya haigíprakaígígo. Mi mhoíya tí om komii Jeriko híran iikamím Adi Komii síram naíngwo tíbmii kínn karam nwowím símiirín síma haínwhrwoíngínki. Mi síma ta wíga Rehap níkiuwiya saíirín wara bí nínkín haíngím saíirín ini híriiyar haígíwonaowída.

³² Mi kara íkí níiwíi nñírím kímiirín pí wara

boinmimauu rani. Nningaka. Mi kara kimiirin Gidion, Barak, Samson, Jepta, Devid, Samuel mi profet inkam ikim, kara simiir niuwii iir boinmimauuwi, pi haruwa haruwa namki rani. Nningaka.

³³ Mi ti kamim yim Adi Komii siiram naingwo tibmii kungim mi sima iki omom omoman iikamim simiir asi hainurur haiginugim. Mi sima siyiu miyik iirar tilhaiginugin. Mi sima dimin taemin miyik miyikim Adi Komii siya nimbiniim simiirim, simiir asi haigim. Mi sima laion simiir yayim hiriinan asi mi okmwim tipkripkaigim mi sima simiir paninsi mi aesi.

³⁴ Mi iikam nhirim naingwo tibmii kin karamaeyim, iikamim naingwo tibmii kinim simiirin sima kiyitkaigaiki paeya nudkwakwa sair. Mi simiirin paeki bi swoki iumiminkim mi ha bi naonamkim. Mi inkam nhirim simiir nisomaowamar tirkim mi sima ini yidamim. Mi sima, simiirin paninsi yisomsom aokaosi. Mi ti kamim sima kirie karamaekim mi simiirin kirie Adi Komii siyar hauu haiginugin. Mi iikamim omom omomanim sau sima ninit yokiyokiyamim. Mi simiirin sima hainurur haiginuwim mi sima ina yidam ninoopkiyim.

³⁵ Mi wig nhirim naingwo tibmii kinim, iya simiir yinkamkim naowiyim mi ta simiir naingwo tibmii kina Adi Komii siya simiir yinkam imiirin sairsiyar swoki hidninsiin idwowi ie hirankin. Mi iya omomkim nitiyim, ti iikamim naingwo tibmii kinim, simiiram mi simiirin, pi sima nini ipimpar onkwobumbuninkin haiginugigi. Mi sima, simiirin pi hinina boini, kima kimiir Adi

Komiiyin digiumii siir haimriiyugigi mi krīma kīmiirin pi rirmiiya nwoki mi yim ti iikamim naingwo tibmiiyim, yim sima hinina naingwokim, krīma naonami, krīma wi ie hirankar swoki insiin idwowi. Mi wi omwai Adi Komii saikar swoki waiyayokiyokwi. Mi sima ti simiir sau omomim pi simiir yai aiir swoki wakaeyokna rani. Mi sima Adi Komii siirin pi digiumii swoki haimriiyu mimin tani. Nīngakinīngaka. Mi simiirin pi simiir sau omom imar nisomsom aokaoki.

³⁶ Mi iikam biyie biyeyim, iikamim naingwo tibmii kīnim, simiirin pi sima nikbumbuninkin haiginuwi mi sima, simiirin pi idgiuni mi ipimpari. Mi simiirin pa nonkwonami mi simiirin pi maeyau biyie hiuyokiyokaiya mi biyie miriyya saiir nini hiugripkiikikaigigi. Mi simiir iga in imiirin pi haini mi kogrimdinuwi.

³⁷ Mi nhirim sima, simiirin siiyani kaiyamik aoki mi nhirim yim bopwoniya hiigrimkripki hisraeni, mwo sa mi dinairin yio sa. Mi sima kamkiuwim ha mi ipimpar hampimpit aokiyim. Mi iikam nhirim naingwo tibmii kīniyim, yim sibsib mi meme isim simiirarar mi kaiyapririr. Mi sima hinda tinda hindarar priiyap whaowaeyamkim. Sima umir digworaekwo min karamaekim. Mi sima iikamim naingwo tibmii kīnim simiirin siyiu mwoni bi naphaiginugim. Mi sima simiirin hik kimpipisu prasae prasae bi hauugim. Mi sima sibgu bi nwokim.

³⁸ Mi iikam nhirim naingwo tibmii kīniyim, sima hindarar priiyap whaowae whwonkaikaeyami iki maeyauwim iikam karamaeyim simiirar. Sima ti hinin maeyauim

sim whwonkaigiyamkim, mhu, siyano mi ie minim sim, sima iikam bimbuiwi rani, ini iki iikam nhirim simiir haiburim mi sima ini digworaekwo karamae ywowim.

³⁹ Mi ti iikamim Adi Komii siiram naingwo tibmii kinim. Siya simiirin hinina boinkikin, sima dimin whirmin whirminki bi swoki kimbugim. Mi sima inig komiigakim. Mi ti iikamim sima ti digworaekwowim Adi Komii siya nimbinim iikam krimiir hauuwam, sima simiir bi niki haigim.

⁴⁰ Mi Adi Komii krimiir Wanin siya ti digworaekwowim simiir bi niki hauugim. Dimusi rani, siya ini digworaekwo nhirim ini simiir niki diriraerarin, ti siyiuin biya sima napin siir haiburanim. Mi siya krimiirin dimin whirkin kimbu karamae sima nwowamar tiri, ta miya Kraisiya miriia sairsi. Iriig.

12

Mi krimiir nhwowim Jisis siirara kaoiski mi siir siyiu hiriinankina dapiski.

¹ Mi krīma ini panina nwowim? Mi ti iikam whiekakim bidi bidinanim naingwo tibmii kinim Adi Komii krimiir Wanin siir yai wakaeyoknam mi kirie nwowim, kara niki boinnimauuim krimiir mi sima iikam kasa kasa rani mi sima krimiirar kigiyim mi krīma iriipa hiriinan simiir siyiu hiriinana timi ap. Mi krīma dimin taemin bibiyeyim krimiir nipiyaokiyim simiirin digiumii haimriiyugig. Mi krīma ti dimin biyeyim simiirin duguski mi krīma rirmiia dwo mi krīma iriipa hiriinan inkamin ninkininin niwitiyin siir hiriinan dwo, iya siya ninkikin iwitiyim, siya yuiskak

bi ninkikin iwitikin, siya parurar niwitikin. Mi krɪma dimin biyie imiirin duguski mi krɪmiir mhi kwoinim kirie dwo, Adi Komii siya nimbina miya krɪmiir saiiramɪn.

² Krɪmiir nhwowim Jisis siirɪma kigninkwonam, krɪmiir naingwo tɪbmiiya saiir biyin ini siyar ywowin mi tariinanin mi mhoiɪya iriipi hiriinan krɪmiir naingwo tɪbmii aiirin wi siyar digaignuwi mi wi siyar mi whinkinsiisi. Biya Jisis siya ha naingwokin mi ta nidid komiɪya kara haiya paeyin hiniya nriɔninkinin siir mi ta kara mi aonamaka ya dimin kabi rani. Mi whisarii rani, mhoiɪya kara wi maigimaiga komiigak nwowi, kara wi ipiɪya Adi Komii siir ina iniig miya nwowa wi saiir nidwowi, maeyaua inkam inigakim sim nidwowiya saiir.

³ Kɪma sibgu daingwo, inkam biyeyim siyɪu biyie tirim Jisis siir biya sima io siir nwowim mi sima siirin hik kimpipisu prasae bi hauugim. Mi siya Adi Komii siir siyɪu miyik iirin ina yonkworɪnuwin mi siya ina yokworɪnukripkaiyin. Mi kɪma ti siir siyɪu iir daingwo, iya hik komii komiɪyim kɪmiir nimbiamiyim mi kɪma pugi kipi piyao mi kɪmiir mhi kwoinim opair kipi nwo. Nɪngaka. Kɪma Adi Komii siir siyɪu miyik iirin donkworɪnukripkai.

⁴ Mi iya siyɪu biyekɪ kɪmiiram kinankuwi mi kɪma wa nriiyɪu boini mi kɪma wi nhiekaka nwowi saiirsyin, aniya? Nɪngaka.

⁵ Mi kɪmiir kwoinim ina yaingwo owouu duguskiyim ti yayim Adi Komii siya kɪmiir boinkiyim, kɪmiir whinkinsiis haiginuwam, aniya? Bidi bidiniya inkamɪn Yokwo Komii saiir

winin Adi Komii siir yai imiirin siya hinina win boinkikin,

Kima kariir yinisisimkim, Biyan Inkam Komiiyin siya kigninkinki hikim kimiiramın kima haiyam mi kima nwoki ididim dimin biyeyim kima tirim simiirsiiyin yio siya kariirar grab haiginuwi mi adin siir yinisinin igao yai siir boinaiginuwiyin mi siir hiriinan mi kima hikak kipi nwo mi pugi kipi mi piyao ti siyuin Adi Komii siya tiriyin kimiirsiiyin. Mi kima ha kipi naingwo ti diminin yio dimin komii rani. Nngaka.

⁶ Dimusi rani, iikamim Adi Komii siya simiiram naingwokwonanaeyim siya simiirin hik pa kigninkin haigi mi siya simiirin siyu miyikim pa nisiimauwi. Mi iikamim Adi Komii siya kigninkin haiyim hik mi sima dinokninkin mi yim siirar yinisisimkim.

⁷ Mi hiriinan kinuwi kima dokworinu hikim Adi Komii siya kigninkinkiyim kimiiram kima haiyam. Siya kimiirar grabaiginuwi siir yinisininan mi kima siir yai aiiirar sibgu wakaeyokna. Mi ti hikim kima haiyim, yim Adi Komii siya kimiir nisiimauwi kimiir whinkinsiis haiginuwam. Siya ha naingwowi kima siir yinisisim miyik nwowim mi kima siyu miyik dwo. Yipiki adkin siir yinisinin iir tio karamae nwowin, ha? Nngaka. Ad nwrkin siir yinisinin iir bi kigninkinkin, sima simiir yinisisim imiirin ha tiowikim.

⁸ Ad whiekakim sima simiir yinisisimim pa sibgu grabi mi adim sima kimiir sibgu grab karam nwowi mi sima wi siir yinisinin kin nwo rani. Nngaka. Yim wi mwraomii yin nwowi.

9 Mi krɪma tɪ siir daɪngwo mɪ krɪmiir adɪm nu tɪranɪm sɪma krɪmiirin krɪmiir siyɪu biyɛ ɪmiirsiyar grabaigɪnɪuwikɪm. Krɪma sɪmiirsi nwokɪ ididɪm mɪ krɪma wa nɪnoknɪnkɪnɪm sɪma ɪni krɪmiir kou ywowɪm. Mɪ Adi Komii siya ɪni krɪmiir adɪm nuanɪm sɪmiir haiburɪn mɪ ɪni kougɪkou siyar ywowɪn mɪ krɪmiir kwɔɪnbudɪn omwai waiyayokiyokiyɪn sɪmiir adɪn yɪo Adi Komii siyairgɪn. Mɪ hɪriinankɪ nɪuwi, krɪma siirar kɪgnɪnkɪn krɪmiir siyɪu biyɛyɪm krɪma tɪrɪm wɪ siyar nwokɪ grabaigɪnɪuwɪm mɪ krɪma wɪ omwai saika nwokɪ waiyayokiyokiyɪm.

10 Krɪmiir adɪm nu tɪranɪm sɪma krɪmiirin ɪi prɛi bi grabaigɪnɪuwikɪm krɪmiir siyɪu biyɛ ɪmiirsiyɪn ɪiya krɪma yɪnisɪm sapɪsap nwowiyɪm mɪ sɪma sɪmiir kwɔɪnairga naɪngwo dirɪraerarikɪm, siyɪu mɪiyɪkɪn krɪma nwowamɪn siirin. Mɪ Adi Komii siya hɪnɪn bi tɪrikɪn. Siya krɪmiirin siyɪu mɪiyɪk ɪirar grabaigɪnɪuwikɪn ɪinokɪinokɪn mɪ siya krɪmiirin, wadɛyar mɪ whɪndiraerar haigɪnɪuwikɪn. Mɪ krɪma wɪ dimɪn whɪrkɪ swokɪ kɪmbu rani, siir hɪriinan.

11 Mɪ ɪiya Adi Komii siya krɪmiir siyɪu biyɛ ɪmiirsi grabaigɪnɪuwiyɪm mɪ krɪma hik prasae bi haigɪm. Mɪ ta ɪi aiiɪn krɪma maɪrgimaɪrga bi nwowikɪn. Nɪngaka. Mɪ mhoɪiya ta siya graba krɪmiirin wɪ saeya whɪndiraerar haigɪnɪuwi siyɪu mɪiyɪkɪn. Mɪ krɪma wɪ wadɛya nwowi. Mɪ krɪma wɪ irɪpar nongwomamaɪr aekiyami. ɪriig.

Mɪ krɪma wɪ mɪntarao Adi Komii siirin digɪumii kɪpi haimriiyɪugig.

12 Mɪ krɪmiir nhɪrɪm ɪni piyaowɪm Jisis Krai siir yai aiiɪr wakaeyokna apɪm. ɪni

iikamim aru maeyauanki napnaniiyim mi igr̃ib paimwo ignanaokak ha naokiiyim ini simiir hiriinan ywowim. Mi iya dimin biyieki kimiir nokwoninwomwirninkini mi kima wi kimasiyar kipi naingwoyimyokna. Mi kima Krais siir yai aiiramın wi haini wakaeyokna ap bwakainam kima tira saiir hiriinan.

¹³ Mi kimiir siyiuin kima tiriyaın sibgu mintirao piki hinin siyiu ikin kima sibgu apanin ti nu iirin. Mi kima siyiu miyik sibgu tiri mi iki iikamim aru maeyau namam minim sima kimiir swoki kigi, kima Adi Komii siir siyiu iir sibgu wakaeyokna api mi yim sima iriipi hiriinan Adi Komii siiramın wa mi aingwowi.

¹⁴ Mi kima iikam nhirmaka dongwomamaır ae. Mi kima siyiuin Adi Komii siya naingwowyim kima napam siirarar dap iski. Dimusi rani, kima siyiu miyik imiir sibgu ap karam nwowi kima wi Biyan Inkam Komiiyaın saika nwo rani. Niingaka.

¹⁵ Kima kimasiyar mintaraona wim wi iki dimin miyik miyikim Adi Komii siya diriraerar haiginkwokinim wi simiir hai karamae pi nwowisi. Mi inkam nwirki kimaka nwowi mi siya Adi Komii siir yai aiirin hindara nitkii iuguskii mi kimiirin siya yaeya yai nowimwarkaiyiuwi mi yaeya siyiu biyie whir mi owimwarkaiyiuwi mi kimiir iikamim sima siir yai aiir wakaei mi simiir naingwo tıbmii kana ha nitkiigii mi yio ti hiriinan siyiu biyie iir kipi tir.

¹⁶ Kima kimasiyar mintaraona kima hii hinda kipi priinanae priinanae. Mi kima ha kipi naingwo Adi Komii siir dimin taeminim yim dimin komii rani. Biya Isokin si tira saiir hiriinan. Niingaka.

Siya ha naingwokin, ti yaiyim brougae Ebrahimni siya hauuwim yim yai komii rani. Mi siya dimin miyik miyikim siir ad ieya hauuwam tirim siir nomousimin siir asi kigninkin haigikin, ti diminim mi dimin kibi kibiyim Adi Komii siya hauuwanim siir mhoiia, siya simiirin warar yinkin hauugi. Mi iia siya mhiigi naowa siir nomousimin naesim ha hauuwim mi siya ti dimin miyik miyikim simiirin ina hauuwim siir. Mi siir kwoinin hiriirar yaingwo ti naesimin ini ti dimin miyik miyikim simiir haiburim.

¹⁷ Kima bidi yinokninkinim mhoiia siya ti dimin miyik miyikim simiir haiyam swoki tirin. Mi Aisak siir kwoinin Adi Komii siya hurworwokai siya ti dimin miyik miyikim Iso siir kipi swoki hauu. Mi siya siirin hinina boinki, kira wi dig nwo rani, kiriirin bidi kiyopsibgikikaigigin. Mi Iso siya siir ad iiramim nhami nhami bi nougin. Mi Aisak siir kwoinin Adi Komii siya hurworwokaigin tiki dimin miyikmiyikim Iso siir kipi swoki hauu. Ningaka. Iriig.

Mi krīma Adi Komii siir yai aiir sibgu wakaeyok-naei, krīma wa nimbiamī mhiu Saiona hiriirin.

¹⁸ Mi bidi bidiniyarin iia Adi Komii siir yaiya winwin kima wakaeya kima kimiir nhwoki kigim mi kimar bi wakaekim, Isrel simiir iikamim simiir hiriinan. Ningaka. Yim sima ti mhiuin Sainai nikuwiyin siir nitkim. Mi ti mhiuin siir mhiu kiu hirin diminin ini paenan kou hirar niuyan. Mi mhiuin siir koua simar kigi waumir yhuwinana siir kou hir nwowi ya ini nibwomambwonan

ywonama. Opuḁ naoki n̄ndurunankainaiiya ini h̄iniin ywowa.

19 Mi simar wakaeki, inkam̄n ti m̄h̄iu k̄iu iir nwow̄in kid̄in pi maskii. Mi ta saiir m̄hoīiya, simar wakaeki, inkam̄n ti m̄h̄iu iir nwow̄in kauwok bōnkiȳin mi īiya Isrel simiir iikam̄m sima ti inkam̄n m̄h̄iu k̄iu h̄ir nokwo kauwokiȳin siir yai aiir wakaeȳim, sima n̄did prasae bi k̄ink̄im. Mi sima Moses siir bōin, kr̄ima pi n̄didi siir yai aiir swoki wakaeȳim.

20 Mi sima n̄did prasae bi k̄ink̄im Adi Komii siir yai aiirsiȳin, siya kauwok bōnkiya simiir saiirsiȳin. Dimusi rani, siya h̄inīna bōnkin, wig biȳie kam biȳie ȳinisim nw̄irkin mi wraisu biȳie irkin ti m̄h̄iun siir kingīin n̄ti mi siir napr̄ir̄iri k̄ima siir̄in w̄i siiyani kaiȳim̄ik aoki.

21 Ti iikam̄m ti dim̄in iir k̄iḡim, sima n̄did prasae prasae bi k̄ink̄im. Mi ȳio Moses̄in h̄irīiyar mi bōin, an kara irīipi h̄irīinan n̄did prasae bi mi k̄ink̄in.

22 Mi w̄im k̄ima ti iikam̄m ti tariinan Adi Komii siir yai aiir wakaeyokna ap̄im, w̄im k̄ima ti m̄h̄iun siir bi n̄tk̄im, w̄im k̄ima w̄i m̄h̄iu wh̄ir̄in Sainai n̄kīuwiȳin siiram n̄tk̄im. Om̄in Adi Komii siya nwow̄in ninomor kou h̄ir, sima ti om̄ iir̄in ha dapik̄im om̄ Jerusalem, om̄in paekwosim wh̄iekakiwh̄iekak̄im ir̄ipa sima nongwomam̄air aeȳin kr̄ima n̄itan̄in siir.

23 W̄im k̄ima iki Adi Komii siir ȳinis̄isim wh̄iekak̄im simakar n̄tk̄im, ȳip̄iki siir dim̄in m̄īiȳik m̄īiȳik im̄iir haiyan̄im. Mi k̄ima w̄i ir̄ipar nangiriȳīūīūwi mi w̄i māirḡimāirga komīigakar nwowi. Adi Komii siya k̄imiir in̄iḡim mi simiir in̄iḡ

ikim, siya bɪdi wɪnɪm siir yokwowa nɪnomor kou hɪrana saiir. Mɪ siya ɪna nɪnoknɪnkɪnɪn, yɪpɪkɪn siir yɪnɪsɪmɪn. Wɪm kɪma Adi Komii siiram bɪdi yɪtɪm. Adi Komiiyɪn siyaɪrgɪn, yɪpɪkɪn iikam whɛkakɪm simiir kɪgɪrkakanɪn. Mɪ iikam ombud komiiyɪn simiirɪn wɪ siyar hɪdi. Mɪ iikamɪm biyanɪm, yɪpɪkɪ biya Adi Komii siya boɪnɪm hɪnɪn dimɪn whɪrkɪ bi kɪmbugɪm sɪma wɪ saɪkar nwowi siir om iir.

²⁴ Kɪma Jisɪs siiram nɪtkɪm inkamɪn krɪmiir kaoprɪgi okwowiɪn. Adi Komii siya yaeya kitɪbmii boɪn wɪn hauugikɪn mɪ yɪo siya kɪmɪdiniya krɪmiir kwahauugi, krɪmiir whɪnkɪnsiis haigɪnɪuwam Adi Komii saɪka krɪma nongwomamaɪr aekiyamam. Siya bɪdiyar yaowɪn, siir nhɛ aeya naokiinaiɪniyam. Mɪ bɪdi bɪdiniyarɪn, inkam nwɪrɪn Ebel nɪkɪuwiɪn siya naowa mɪ siir nhɛya ɪna mɪ aokiinaiɪnama. Mɪ Jisɪs siir nhɛya ɪni Ebel siir nhɛya saiir haibura. Mɪ Adi Komii siya Ebel siir nhɛ aiir kɪgiyɪn mɪ siya Ken siirɪn ɪo prasae prasae bi nwokɪn. Mɪ siya hɪnɪna yaɪngwo, tɪ siyɪu biyɛ hɪriinanɪn Ken siya tɪrkiyɪn yɪo mɪiyɪk rani. Mɪ siya siirɪn siyɪu biyɛ ɪna swokɪ tɪr haigɪnɪuwɪn. Jisɪs siir nhɛya Adi Komii siya krɪmiirɪn saiirsiyar nanmaiwarkainakɪn.

²⁵ Kɪma kɪmasiyar mɪntɪrao wɪm wɪ yayɪm Kraɪs siya boɪnmɪmauuiɪm kɪmiir simiirɪn wɪ digɪumii pɪ haigɪngigisi. Biya Adi Komii siya tɪ mhɪuɪn Sainai nɪkɪuwiɪn siir nokwowɪn mɪ siya siir yayɪm iikam ɪmiirɪn hɪrar nokwo boɪnmɪmauugi. Mɪ iikam nhɪrɪm yɪm tɪ yayɪ ɪmiirɪn ɪni yɪmɪiyɪuwɪm. Mɪ sɪma ta Adi Komii siya tɪrbumbu haigɪnɪuwa simiir saiirsi nɪdamɪm ɪni siyɪu karam ywowɪn. Mɪ nɪm krɪma ta siya tɪrbumbu haigɪnɪuwa saiirsi mɪ

idamim wi piki hiniin siyiuin si mi idami krīma siir yai aiirin digumii haimriiyiwi, ha? Nīngaka. Siya Adi Komii siir omin ninomor kou hiranin siir hiranki nitkin, krīmiir digworaekwo whiekakim simiir boinmimauuwam. Mi nim krīma nidamni siyiu karamka. Nīngaki nīngakiinga.

²⁶ Mi biya iya Adi Komii siya mhu Sainai hir nokwo boinmimauugiyin siir yai imiir, nu ini warar kiisiskiyin. Mi tariinanin siya ini yaeya yai kwir swoki bingikaiyin. Kara wi nu siirara tirki rani, siya siyar kiisisam. Nīngaka, kara wi nu ninomor sowiirar tirki mi wi sowar kiiswowi.

²⁷ Mi ta yaiya saeya hiniina boinka, kara wa swoki tiri, saeya krīmiirin hiniina nīsiimauuga. Biyarin iya Adi Komii siya nu iir nonkwok-wokiyin mi mhoiya ti nu iirin mi digworaekwo whiekak ikim simiirin siya tirki, sima wa kiisiskii. Mi digworaekwo whiekakim wa diguguskii. Mi digworaekwowim iki wara kiisis karam nwowim, yim Adi Komii siya simiirin wi hiriyar kigninkin oki.

²⁸ Digworaekwo whiekakim Adi Komii siya krīmiir hauuwanim yim ini siir om hirar nwowim, omin iikam whiekakim mi digworaekwo whiekakim simiir kigirkakiyin siir. Mi yim ti digworaekwowim yim wi wara kiisiskii rani. Nīngaka. Mi krīma simiirsiyin maigimaiga komiigakar dwo. Krīma Adi Komii siir inigin asi hainanprapraskii. Krīma siyiu miyikin siya naingwowyin krīma tiram siirsi hainan prapraskii.

²⁹ Mi krīma wi hiriinan digworaekwowim simiir asi tiri. Dimusi rani, krīmiir Adi Komiiyin siya

ini paenan ywowin digworaekwo whiekakim pi siyar niugisinki. Mi digworaekwo whiekakim maigimaiga siir nwowaiginiu karam nwowiyim, simiirin wi siyar niugisin iuguski. Iriig.

13

Kima krimiir akamim simiiram naingwokwonanaei.

¹ Mi kima kimiir akamim Krais siirim, simiiramim hiriayar daingwokwonanaei.

² Kima iikam nhirim om whiranki nitiyim simiirin igi haigi idwokaigi. Dimusi rani, biya iikam nhirim sima ti hiriinan siyiuin siir bidi tirim. Sima bi ninokninkinkim ti inkamim igi sima haigi idwokaigiyim yim paekwosim imairgim Adi Komii siir om hiranki nitkim. Mi iya sima kimiir omaka nitiyim kima ninokninkin karamaeka. Nngaka.

³ Mi kima iki iikam nhirim maeyaua huyokiyokaiya saiir hugripkikikaigiyim, simiirsiiyin naingwoyimyok prasae kipi kin. Kima hir wara ninkin oni haninaka. Mi kima iki iikam nhirim iikam nhirim nonkwobumbuninkin haiginuwiyim simiirsiiyin naingwoyimyok prasae kipi kin, kimar haini haninaka, ta hika.

⁴ Kima ha daingwo onkworinunani nonkwonani siyiuin yio siyiu biyie rani. Mi kima nonkwonani, siyiuin siir kipi haiburgik. Mi hi kipi priinanaeyam. Dimusi rani, kima ti hiriinan siyiu biyie iir tiri, kimiirin wi Adi Komii krimiir Wanin siya hidi.

⁵ Kima umir hoimgak haiyim kipi kigmair. Diminin kima haiyin kima hinina daingwo, yio

ini mi owin. Dimusi rani, Adi Komii siir yaiya Yokwo Komii saiir nwowa saeya hinina boinkika. Kara wi kimiir haiburgig rani. Mi kimiirin wi digiumii haimriiyugig rani. Ningaka. Kimiirin wi karar mi kigriraowi.

⁶ Adi Komii siya ta hiriinan yaiya minam boinkikin, krima nwoki inokinkinim. Adi Komii siya ini krimaka kingiina nwowin. Mi krima iraka nwiraka kingin dwo. Mi krima hinina boin, Krimiirin Biyan Inkam Komii siya whinkinsiis haiginiugin. Mi krima siyu biyeyin iki iikam ima tiriya krimiir, siirsiyin kipi nidid.

⁷ Mi kima iikamim biyanim simiiram ti swoki aingwoki. Krimiirin simar sibgu kigriraokim mi kimiirin sima Adi Komii siir yai miyik miyik imiirar boinmamaugim kima dimin taeminim sima tirim mi siyuin sima sibgu apim Adi Komii siir yai aiir siiram ti swoki aingwoki. Mi wim kima ti siyu hiriinanin sima tirin siirar timi ap.

⁸ Mi kima Krai siir yaiya biya kima wakaeya saiir sibgu wakaeyokna ap. Dimusi rani, Jisis Krai siya wi hiriyyar nwoyokiyokii, inokinokin siya wi wara kisina rani, yaeya nwowamin. Ningaka. Mi siir yaiya siya mi boinmamauwa saeya wi wara kisina rani, yaeya, wi hiriyyar mi okripkaigi.

⁹ Mi kima kimiir kwoinim kipi kiwaki, iki yaipai yaipaiyim iikam nirkim sim boiniyim biya kima wakae kamae nwowim kimiir kwoin imiir kiyaiyam, yim sima minam tiri, kima Adi Komii siir yai kibiya digiumii saiir haigingigim. Mi iki dimin miyik miyikim Adi Komii siya tirim, kimiir whinkinsiis haiginiuwam. Yim minam tirkim kima Adi Komii siir yai aiir

nwoki wakaeyokna apim. Kima tira saiir hiriinan. Mi ti yayim iki iikamim sima boinmimauum naeni siyuin si, yim dimin komii rani. Mi ti hiriinan siyuin siir tiriyim, yio Adi Komii siir yaiya saiir bi sibgu onkworinuwikin. Ningaka. Adi Komii siir naingwobumbuwa krimiirin wi saeyar whinkinsiis haiginuwi, kima sibgu okworinuwamin.

¹⁰ Jisis siya paeyin hiiniya nironinkinin siirin minam naokin, kimiir nanmaiwarkainaim. Mi iikamim sima Moses siir yaiya saiir wakaeyoknaei mi wraisu hirii hiriyyar nisomsom aokao ninkimiiyaenanaei Adi Komii siir, ya hininga, ta Jisis siya naonama paeyin hiiniya nironinkinin si wi dig di nwowi, simiir dimin biyie biyeyim simiir haiyopriimdiyumiigiyim. Mi sima hirii hiriyyar tiri mi ta Jisis Krai siir miya simiir whinkinsiis haiginuwim wi dig nwo rani. Simiir dimin biyeyim simiir haiyopriimdiyumiigiyim. Ningaka.

¹¹ Mi prismi biyan inkam komiyyin siya pi wraisu nhieyim sim nisomsom aokaowim, pi simiir haii. Mi siya ti nhie imiir haiyyin mi siya pa napninopkainami Adi Komii siir maeyaua huuyokiyokaiya dimin whirmin whirminki kimbu karam nwowa saiir hiriir, maeyaua Adi Komii siyar nwowiya saiir. Mi siya ti nhieyim pi hi idwo hir nini haiginuwi, dimin biyeyim iikam ima tirim simiirsi. Mi ti prismi biyan inkam komiyyin siya wraisu imiirin pris inkam nhirim simiir hauugii, sima nani anaguwim, om komii siir yaba maeyaua sima ninanakninkina saiir. Mi ti diminin Krai siya tirin, yio iriipi hiriinanaigin.

12 Mi Jisis siya omin Juda iikam sima nwowiyin siir yaba hir naokin, maeyaua sima ninanakininkina sair. Mi siir nhieya ha naokiinaiiniya mi iikam krimiir dimin biyie biyeyim saeyar yinaki. Mi krimiirin wi dimin whirki kimbu karamae saeya nwoki owaiginuim siya maeyau bwaekii idowiya hir naokin. Dimusi rani, wraisu sima naoni haninaka, tasi siyar nao iskiyin. Mi siya siir pu ailar ninkinimiyaekin Adi Komii siirin.

13 Krīma biyīn iikamim simiir yai imiir kipi wakaeyokna yayim biya Adi Komii siya hauuwim, Mosesni. Krīma Kraisiir yai imiiram arar dinmiininkin kripkai. Dimusi rani, tiki iikamim biya Moses siir yai ailar wakaeyokna apim, sima Kraisiir nikwowaisiigim. Mi siirin, sima yisomkiyitkaigi. Mi iikamim, krimiirin wi hiriinan siyu biyie iilar mi tiri biya Kraisiir sima tira sair hiriinan. Yo tiriiginin yo dimin komii rani.

14 Krīma dimin taeminim biya Moseski si napim simiirsi kipi nidid simiir haiburgigsi. Krīma dimin taeminim simiirin haiburgig. Dimusi rani, ti nu iirin, krīma om karamaeka krīma nwoyokiyokiyim. Mi om kibiyin Adi Komii siya diriraerarin mhoiya krīma nwoyokiyokiyinanin krīma siiramar nwowi.

15 Mi krīma inokinokin maigimaiga dwonanae. Mi Adi Komii siir inig iilar dokboin praprasnanae. Mi siir inigin siir timi boinmamauu iki iikam nhirim simiir. Dimusi rani, ti dimin komiyyin Kraisiir siyar tirin siirsi. Mi ti dimin hiriinanin krīma tiriyyim krimar

hauunaeyim yim ini wraisuim Adi Komiiini, krīma ninkinimiiyaeyim ini simiir hiriinan ywowim.

16 Mi inokiiinokin kīma irni nwiirni whinkinsiisam daingwo. Yio ti hiriinan siyiu kibiyin yio ini nae kibi kibiyim iikamkim sim ninkinimiiyaeyim Adi Komiiini maigimaigra siya nwowam ini simiir hiriinan ywowin.

17 Kīma kamim yipiki kīmiir bi nwowiyim mi kīmiir kigriiraowiyim simiir yai imiir sibgu wakaeyokna ap. Mi sima kīmiir kigriiraowi mi kīmiir whinkinsiis haiginuwi. Mi mhoiya simiirin wi Adi Komii siya hidi siyiuin sima kigriiraowin siirsi. Mi kīma simiir yai imiir sibgu wakaeyoknaei mi sima ta miya kīmiir kigriiraowiya sairin wi nwoki sibgu kigriiraowim. Mi kīma simiir yai imiir wakaeyokna karam nwowi mi simiirin digumii haimriiyugigi mi sima ta mi aiiramın, wi maigimaigrakak nwo rani. Mi sima wi kīmiir whinkinsiis rani, Kraisiir yai imiir wakaeyokna apim kīma tira sair hiriinan.

18 Kīma Adi Komii siiramın krīmiir whinkinsiis haiginuwamın, hiri hiriir kwisboinanae. Dimusi rani, krīma dimin biye whir bi tirbugin. Mi krīma wi nididgak ha nwo rani. Inokiiinokin krīma siyiu miyikin, siirarar mirii ninkiyaenanaeikin.

19 Kara kīmiirin dimusi boinwirwirkipkai rani. Kara minsi boinwirwiri, kīma Adi Komii siiramın hoingak kwisboinanae kariir whinkinsiis haiginuwamın, kīmiir swokini kignakisasauuim.

Kīma Adi Komii siiram kwisboin iikam krīmiir whinkinsiis haiginuwim.

20 Adi Komiiyin yipikin iikam krimiir nwo haiginuwiyin hisranua Jisis siirin ie hiranki siyar hidninsiin idwokin. Mi siya ini omwaiyar swoki waiyain. Mi siirin siya yokmwın okwo haiginu, krimiir Biyan Inkam Komii nwowam. Inkamin sibsib kigriraowiyin siir hiriinan. Mi siirin siya nokmwın okwo haiginugın krimiir kigriraowam. Dimusi rani, biya siya bidiyar yaonamin. Mi siir nhieya bidiyar yaokiinaiiniya krimiirsi, ya tariigina ya kitibmii boina biyana Adi Komii siya nimbingika ya saiir kirie haiginugika. Mi ta Adi Komii siir yaiya ya wi hriiyar nwoyokiyokikaeyami inokinokin saeya wi siir kwoin iir kisina haigi rani. Niingaka.

21 Kara ha naingwowi Adi Komii siya dimin miyik miyikim wi krimiir nwoki hauuwim krimiir whinkinsiis haiginuwam. Mi krıma wi digi digar niki owim dimin taeminim siya boinim krıma tiram mi kara ha naingwowi Jisis Kraıs siir kirieni miya siya naingwowa kima miriıya saiirin wi siya nwoki whinkinsiis haiginuwim. Mi krıma Jisis Kraıs siir inig iirin inokinokin hriiyar hainananae. Kaimwoka. Iriig.

Nikopkaigıyan yai aeya.

22 Ti kariir akamim, kara krimiirin minam boinkikin, kima ta yaiya saiirin sibgu wakae ta yaiya kara kımıiram wınkiya saeya yai priei rani. Ta yaiya kara wınkiya ya krimiir kwoin imiir whinkinsiis haiginugika.

23 Mi kara ha naingwowi kima whiekakarın dinokninkın, krimiir akam kibiyin Timoti, kam biyeyim sima siirin maeyaua hıuyokiyokaiya

saiir hirankar nonkwo uguskikin. Mi siya kariir
oma tiririn nimbiniisasauugiswo mi siirin wi kara
pi yikunaniyin kimiir nini kignakiyamın.

²⁴ Kima iikamın kimiir kigriraowiyım mi
iikamın naingwo tıbmii kın ikim kimiir
wauranın kima simiir dokboınmamair. Mi
kriimiir akamın nu Itali hiranın yipiki Kraıs
siir yai aiir wakaeyokna apiyım, yım sima iriipi
hiriinan kimiir mi okboınmamairgikim.

²⁵ Adi Komii kriimiir Wanın siir
naingwobumbuwa ini kimakar nwowa. İriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f